

密縣志

卷九	典禮志
卷十	學校志
卷十一	財賦志
卷十二	自治志
卷十三	實業志
卷十四	兵防志

密縣志卷九

典禮志

現行祀典

孔廟 每歲春秋仲月上丁日致祭

至聖先師孔子神位

祭品 帛一 牛一 羊一 豕一 登一 鉶二 簋二 簋二 饗十 豆十 酒

罇一 白磁爵三

四配

復聖顏子 名回字子淵魯人黃帝之後

宗聖曾子 名參字子輿魯南武城人鄩國之後



述聖孔子 名伋孔子之孫伯魚之子

亞聖孟予 名軻字子輿一字子車魯公族孟孫之後

祭品每案 帛一 豕一 羊一 鉶一 蕈二 簋一 籩八 豆八 酒罇一 白

磁爵三

十二哲東六位

閔子損 字子騫魯人

冉子雍 字仲弓魯人

端木子賜 字子貢衛人

仲子由 字子路一字季路魯之卞人

卜子商 字子夏衛人

有子若

字子有一字子若魯人

祭品每案

帛一

豕一

鉶一

簋一

簋一

籩四

豆四

豕首一

白磁爵三

十二哲西六位

冉子耕

字伯牛魯之鄆人仲弓之族

宰子予

字子我魯人

冉子求

字子有仲弓之族

言子偃

字子游吳人

顓孫子師

字子張陳人

朱子熹

字仲晦婺源人

祭品與東六位同

東廡先賢

公孫子僑

字子產鄭人

林子放

魯人

原子憲

字子思魯人

南宮子緇

一名逄又名說字子容孟僖子之子孟懿子之兄

裔子瞿

字子木魯人

漆雕子開

字子若蔡人

司馬子耕

家語名犁字子牛本宋桓氏

梁子鱣

字子魚史記字叔魚齊人

冉子儒

字子魯家語作子魚魯人

伯子虔

字子折家語字楷魯人

冉子季

字子產魯人

漆雕子徒父

字子有魯人家語漆雕從字子文蔡人子開之宗族

漆雕子哆

家語哆作侈字斂魯人

公西子赤

字子華魯人

任子不齊

字選家語字子選楚人

公良子孺

字子正一作子幼陳人

公肩子定

字子中家語子仲魯人

鄒子單

字子家衛人

罕父子黑

字子索一字子素魯人

榮子旗 字子棋魯人

左子人郢 字行家語作左郢字子行魯人

鄭子國 字子圖魯人一作薛邦

原子亢 家語作原桃字子籍魯人

廉子潔 字子曹史記字庸衛人

叔仲子會 字子期魯人

公西子輿如 字子上魯人

邾子貜 字子斂家語字子飲魯人

陳子亢 字子禽一字子亢陳人

琴子張 字子開家語名宰字子張

步叔子乘 字車齊人

秦子非 字子之魯人

顏子噲 字子升魯人

顏子何 字冉素隱云字稱

縣子亶 一作豐字子象

牧子皮

樂正子克 字正子齊人孟子弟子

萬子章 孟子弟子

周子敦頤 字茂叔道州營道縣人

程子顥 字伯淳河南人

東邵子雍 字堯夫河南人

廡先儒

公羊氏高 齊人受經於卜子夏

伏氏勝 字子賤濟南人或曰即宓不齊之後僖與伏通誤爲宓云

毛氏亨 魯國人

孔氏安國 字子國魯人孔子十一世孫

毛氏萇 字默一字長公趙人

杜氏子春 字時元河南緱氏人

鄭氏玄 字康成北海高密人

諸葛氏亮 字孔明瑯琊人

王氏通 字仲淹河汾人

韓氏愈 字退之南陽人

胡氏瑗 字翼之秦州人

韓氏琦 字稚圭相州人

楊氏時 字中立南劍人

謝氏良佐 字顯道上蔡人

尹氏焯 字彥明一字德充洛人

胡氏安國 字康侯崇安人

李氏侗 字憲中劍浦人

呂氏祖謙 字伯恭號東萊婺州人

袁氏燮

黃氏幹

字直卿號勉齋閩縣人

輔氏廣

宋人

何氏基

字子恭金華人

文氏天祥

字宋瑞號文山吉水人

王氏柏

字會之金華人

劉氏因

字夢吉保定容城人

陳氏澔

字可大都昌人

方氏孝孺

字希直寧海人

薛氏瑄

字德溫河津人

胡氏居仁 字叔心餘干人

羅氏欽順 字允升號整庵泰和人

呂氏枏 字仲木號涇野高陵人

劉氏宗周 字起東山陰人

孫氏奇逢 字啟泰一字鍾元直隸容城人

黃氏宗羲 字太冲浙江餘姚人

張氏履祥 字考夫桐鄉人

陸氏隴其 字稼書浙江平湖人

張氏伯行 字孝先號敬庵儀封人

湯氏斌 字孔伯一字荆峴號潛庵雒州人

顏氏元 字渾然博野人

祭品四位一案每案 帛一 簠一 簋一 鑊四 豆四

銅爵各一 羊三 豕三 分作七十九分西廡分作七十七分每位一分

西廡先賢

蘧子瑗 字伯玉衛大夫

澹臺子明 字子羽魯人

宓子不齊 字子賤魯人

公冶子長 字長魯人

公西子哀 字季沈史記作季次齊人系出齊姓

高子柴 字子羔檀弓作子臯齊人

樊子須 字子遲魯人

商子澤 字子季魯人許衡云齊人

巫馬子施 字子期陳人史記曰魯人

顏子辛 字子柳魯人史記作顏辛

曹子邴 字子循蔡人

公孫子龍 字石楚人

秦子商 字不茲魯人史記字子不鄭康成曰楚人

顏子高 家語作顏刻字子驕

壤駟子赤 字子徒家語作穰徒從秦人

石子作蜀 字子明家語石子蜀成紀人

公夏子首 字乘家語公夏守字子乘一字子元魯人

后子楚 字子里家語石楚字堅之齊人

奚容子歲 字子哲家語奚歲字子偕魯人

顏子祖 字襄家語顏相字子襄魯人

甸子井疆 字子疆一字子野家語甸作甸衛人

秦子祖 字子南家語字子白秦人

縣子成 字子祺家語子橫魯人

公祖子句茲 字子之家語無句字魯人

燕子伋 字思家語作伋字子思秦人

樂子欬 家語樂欣字子聲魯人

狄子黑

字哲家語字哲之衛人

孔子忠

公西子蒧

字子上家語作子尙魯人

顏子之僕

字叔家語字子叔魯人

施子之常

字子恆魯人

申子楨

字子周魯人

左子丘明

中都人楚史倚相之後或曰魯人

秦子冉

開封志蔡人

公明子儀

公都子

孟子弟子

公孫子丑

齊人

張子載

字子厚世大梁人父迪仕濟州卒於官徙寓鳳翔郿縣橫連鎮

程子頤

字正叔明道先生之弟

西廡先儒

穀梁氏赤

魯人受春秋之說于子夏

高堂氏生

字伯魯人

董氏仲舒

廣川人

劉氏德

后氏倉

字近君東海剡人

許氏慎

字叔重汝南召陵人

趙氏岐 字郊卿京兆長陵人

范氏甯 字武子鄆陵人

陸氏贄 字敬輿蘇州嘉定人

范氏仲淹 字希文蘇州吳縣人

歐陽氏修 字永叔廬陵人

司馬氏光 字君實陝州夏縣人

游氏醜 字定夫建陽人

呂氏大臨 字與叔藍田人

羅氏從彥 字仲素南劍人

李氏綱 字伯紀無錫人

張氏棫

字敬夫號南軒

陸氏九淵

字子靜金谿人

陳氏淳

字安卿龍溪人

眞氏德秀

字景元更字希元浦城人

蔡氏沈

字仲默建甯府建陽縣人

魏氏了翁

字華父浦江人

趙氏復

字仁甫德安人

金氏履祥

字吉父婺之蘭溪人

陸氏秀夫

字君實饒江人

許氏衡

字仲平河內人

吳氏澄 字幼清撫州崇仁人

許氏謙 字益之金華人

曹氏端 字正夫渾池人

陳氏獻章 字公甫新會人

蔡氏清 字介夫晉江人

王氏守仁 字伯安餘姚人

呂氏坤 字新吾甯陵人

黃氏道周 字幼平漳浦人

王氏夫之 字而農號臺齋湖南衡陽人

陸氏世儀 字道威江蘇太倉州人

顧氏炎武

字甯人江南崑山人

李氏璵

字剛主直隸靈縣人

祭品與東廡同

至聖先師孔廟禮節

祀日屆時正獻以下皆具祭服集致齋所正獻盥手閱祝版署名訖司祝進奉於祝案俟鼓三嚴贊引引正獻入大成門右門分贊引分獻傳贊引陪祀員隨入典儀贊樂舞生就位執事員各司其事贊獻官就位正獻分獻及陪祀員各就拜位北嚮立贊闢戶有司闢戶訖贊迎

神司樂贊舉迎

神樂奏昭和之章起祝罇鐘鳴擊編鐘樂作贊引贊四拜傳贊贊衆官皆拜正獻分獻及

陪祀員皆行四拜禮跪拜再拜三拜四拜興樂止擊特磬憂敵贊奠帛爵行初獻禮司帛爵各捧帛爵就前向上立司樂贊舉初獻樂奏雝和之章起祝司帛爵各進

神位前立罇鐘鳴擊編鐘樂作贊引贊詣奠帛位引正獻入殿右門詣帛案前立贊獻帛正獻授帛拱舉仍授司帛奠於正案正中退贊詣獻爵位引正獻詣爵案前立贊獻爵正獻受爵拱舉仍授司爵司爵奠於爵墊正中退贊復位引正獻仍由殿右門出復拜位立分贊引分獻入殿左右門分就

配位

哲位前引兩廡分獻分就兩廡

先賢

先儒位前立受帛爵拱舉仍授司帛爵獻於案上退司祝就祝案前捧祝版至案左先立

樂暫止贊引贊詣讀祝位引正獻進殿右門詣讀祝位正立典儀贊讀祝司祝讀祝畢
正獻受祝版拱舉仍授司祝司祝奉祝版至

至聖先師孔子位前安於篚內退樂復作贊引贊復位引正獻出殿右門復拜位立贊四
拜傳贊贊衆官皆拜正獻分獻及陪祀員皆行四拜禮跪拜再拜三拜四拜興樂止擊
特磬曼故贊行亞獻禮司爵捧爵就前向上立司樂贊舉亞獻樂奏熙和之章起祝司
爵各進

神位前立罇鐘鳴擊編鐘樂作贊引贊詣獻爵位引正獻進殿右門詣爵案前立贊獻爵
正獻受爵拱舉仍授司爵奠於爵墊左退贊復位引正獻出殿右門復拜位立分贊引
分獻各就案前獻爵如初奠於左退樂止擊特磬曼故典儀贊行終獻禮司爵捧爵就
前向上立司樂贊舉終獻樂奏淵和之章起祝司爵各進

神位前立鐃鐘鳴擊編鐘樂作贊引贊詣獻爵位引正獻進殿右門詣爵案前立贊獻爵
正獻受爵拱舉仍授司爵奠於爵墊右退贊復位引正獻出殿右門復拜位立分贊引
分獻各就案前獻爵如亞獻儀奠於右退樂止擊特磬曼啟典儀進至殿東西向立贊
賜福胙退贊引贊詣飲福受胙位引正獻進殿右門詣飲福受胙正立捧福胙二員捧
福胙至

神位拱舉退立正獻之右接福胙二員進立正獻之左贊引贊飲福酒正獻受爵拱舉授
於左贊受胙正獻受胙拱舉授於左贊復位引正獻出殿右門復拜位立贊四拜傳贊
贊衆官皆拜正獻分獻及陪祀員謝福胙皆行四拜禮跪拜再拜三拜四拜興贊徹饌
司樂贊舉徹饌樂奏昌和之章起祝鐃鐘鳴擊編鐘樂作司爵各進
神位前徹籩豆各一少移故處退樂止擊特磬曼啟典儀贊送

神司樂贊舉送

神樂奏德和之章起祝鑄鐘鳴擊編鐘樂作贊引贊四拜傳贊贊衆官皆拜正獻分獻及陪祀員皆行四拜禮跪拜再拜三拜四拜興樂止擊特磬戛鼓典儀贊奉祝帛送燎司祝帛爵各進

神位前恭捧祝帛酒饌依次送往燎爐時贊引引正獻轉立西旁俟祝帛過畢仍引復拜位立司燎數帛典儀贊闔戶有司闔戶訖贊禮成贊引引正獻出大成右門分獻以下隨出至致齋所更衣各退

崇聖祠

木金父

孔子五世祖封肇聖王

祁父公

孔子高祖封裕聖王

防叔公 孔子曾祖封詒聖王

伯夏公 孔子之祖封昌聖王

叔梁公 孔子之父封啟聖王

祭品 帛五 牛一 羊一 豕一 鴈一 鱧二 魚二 鱧八 豆八

配位先賢

孔氏孟皮 孔子之兄

顏氏無繇 字路復聖回之父

曾氏點 字子皙宗聖參之父

孔氏鯉 字伯魚孔子之子子思之父

孟孫氏激 字公宜亞聖軻之父

祭品 每位一案 帛一 豕首一 簋一 簋一 簋一 籩四 豆四 豕肉一 每位銅爵三

東廡

周氏輔成 字伯大周子數頤父

程氏珦 字伯溫程子顯頤之父

蔡氏元定 字季通蔡氏沉之父

西廡

張氏迪 字甫張子載之父

朱氏松 字喬年朱子熹之父

祭品 東西各一案 帛各一 簋一 簋一 籩四 豆四 豕肉一 每位銅爵三

崇聖祠行禮禮節

祭日屆時贊引引正獻入祠垣右門詣階下盥手分贊引分獻隨入典儀贊執事員各司其事贊獻官就位引正獻分獻各就位北嚮立典儀贊闢戶有司闢戶訖贊迎神四拜正獻分獻皆行四拜禮跪拜再拜三拜四拜興贊奠帛爵行初獻禮司帛爵各捧帛爵進

神位前立贊引贊就奠帛位引正獻入殿右門就

肇聖王帛案前立贊獻帛正獻受帛拱舉仍授司帛奠於案正中退贊引贊就獻爵位引正獻就

肇聖王爵案前立贊獻爵正獻受爵拱舉仍授司爵奠於爵墊正中退以次就左

裕聖王右

裕聖王次左

昌聖王次右

啟聖王位前奠帛獻爵儀同贊引贊復位引正獻仍由殿右門出復拜位立分贊引分獻入殿左右門分就

配位前引兩廡分獻分就兩廡

從位前奠帛獻爵復位均如正獻儀司祝就祝案前捧祝版至案左先立贊引引正獻進殿右門就讀祝位正立典儀贊讀祝司祝讀祝畢正獻受祝版拱舉仍授司祝司祝捧祝版至

正位前安於簾內退贊引贊復位引正獻出殿右門復拜位立典儀贊四拜正獻分獻皆行四拜禮跪拜再拜三拜四拜興典儀贊行亞獻禮司爵各捧爵進

神位前立贊引贊就獻爵位引正獻進殿右門就

肇聖王爵案前立贊獻爵正獻受爵拱舉仍授司爵奠於爵墊左退以次就左

裕聖王右

諡聖王次左

昌聖王次右

啟聖王位前獻爵儀同贊引贊復位引正獻仍由殿右門出復拜位立分贊引分獻分就
配位

從位前獻爵復位均如儀典儀贊行終獻禮司爵各捧爵進

神位前立贊引贊就獻爵位引正獻進殿右門就

肇聖王爵案前立贊獻爵正獻受爵拱舉仍授司爵奠於爵墊右以次就左

裕聖王右

詒聖王次左

昌聖王次右

啟聖王位前獻爵儀同贊引贊復位引正獻仍由殿右門出復拜位立分贊引分獻分就配位

從位前獻爵仍均如儀典儀贊徹饌司爵各進

神位前徹饌豆各一少移故處退贊送

神四拜正獻分獻皆行四拜禮跪拜再拜三拜四拜興典儀贊奉祝帛送燎司祝帛爵各進

神位前奉祝帛酒饌依次送往燎爐時正獻避立西旁候祝帛過畢仍復拜位立司燎數帛典儀贊闔戶有司闔戶訖贊禮成贊引引正獻仍由祠垣右門出分獻隨出各退

樂章

春祭夾鐘為宮應鐘起調

即今之正宮調又翻作小工調取其易於學習也

迎神樂昭和之章

舊名咸平無舞

大

尺羽

哉

凡宮

孔

六商

子

五角

先

尺羽

覺

上徵

先

五角

知

六商

與

尺羽

天

五角

地

上徵

角

尺羽

麟

凡宮

紱

六商

韻

凡宮

答

上徵

金

尺羽

絲

上徵

日

凡宮

月

六商

既

尺羽

揭

五尺

初獻樂離和之章

有舞

舊名甯平

予

尺羽

懷

凡宮

明

六商

德

五尺

玉

上徵

振

凡宮

金

六商

聲

上徵

生

六商

民

凡宮

未

五角

角

尺羽

豆

上徵

千

尺羽

古

五角

春

六商

秋

六尺

上

五尺

丁

六尺

清

尺羽

酒

上徵

既

凡宮

亞獻樂熙和之章

有舞

舊名安平

式

尺羽

禮

凡宮

莫

六商

愆

五尺

升

上徵

堂

五角

再

凡宮

獻

尺羽

響

上徵

協

五角

蕤

凡宮

鐘

尺羽

鏞

凡宮

鐃

六商

祝

五尺

鼗

凡宮

鞀

尺羽

鼓

上徵

鼗

凡宮

磬

尺羽

簫

尺羽

簫

尺羽

五尺肅上雍六雍六譽凡髦尺斯上彥尺禮上陶五樂凡淑六相五觀六而凡善尺

終獻樂淵和之章有舊名景平

自尺古凡在五昔六先上民六有凡作六皮五弁上祭凡菜尺於上論五思六樂凡惟

五尺天上牖凡民五惟凡聖上時凡若六彝五倫五攸上叙尺至上今五木凡鐸尺

徹饌樂昌和之章有舊名咸平

先凡師尺有六言五祭尺則上受尺福五四上海尺彝五宮上疇凡敢六不凡肅尺禮

五尺成上告尺徹五母凡疏六母凡瀆凡樂五所上自凡生尺中五原六有凡菽尺

送神樂德和之章無舊名咸平

鳧尺釋凡戔六戔五洎上泗尺洋凡洋六景上行五行五止上流凡澤六無五疆六聿

五尺昭上祀凡事尺祀尺事上孔凡明六化尺我五蒸尺民上育凡我六膠凡庠尺

秋祭南呂爲宮仲呂起調

即今之尺字調
翻作小工調

迎神樂昭和之章

大羽 哉五商 孔上商 子尺角 先六羽 覺凡徵 先尺角 知上商 與乙商 天上商 地乙宮 參尺角 萬六羽 世凡徵 之尺角 師尺角 祥尺角
尺角 徵乙宮 麟凡徵 紱上商 韻乙宮 答凡徵 金六羽 絲尺角 日乙宮 月上商 既六羽 揭尺角 乾乙宮 坤上商 清乙宮 夷六羽

初獻樂離和之章

予六羽 懷乙宮 明上商 德尺角 玉凡徵 振乙宮 金六羽 聲凡徵 生上商 民乙宮 未凡徵 有尺角 展乙宮 也上商 大尺角 成上商 俎上商
尺角 豆凡徵 千六羽 古尺角 春上商 秋上商 上尺角 丁上商 清六羽 酒乙宮 既乙宮 載六羽 其乙宮 香上商 始乙宮 升六羽

亞獻樂熙和之章

式六羽 禮乙宮 莫上商 愆尺角 升凡徵 堂尺角 再乙宮 獻六羽 響凡徵 協尺角 夔乙宮 鏞上商 誠尺角 孚凡徵 壘尺角 肅尺角
尺角 肅尺角 雍上商 雍上商 譽乙宮 髦六羽 斯凡徵 彥六羽 禮凡徵 陶尺角 樂上商 淑上商 相尺角 觀上商 而凡徵 善六羽

終獻樂淵和之章

自_{六羽}古_{乙宮}在_{尺角}昔_{上商}先_{凡微}民_{尺角}有_{乙宮}作_{六羽}皮_{尺角}弁_{尺角}祭_{乙宮}菜_{六羽}於_{凡微}論_{尺角}思_{上商}樂_{乙宮}惟_{尺角}天_{凡微}牖_{六羽}民_{尺角}惟_{乙宮}聖_{凡微}時_{乙宮}若_{上商}彝_{尺角}倫_{凡微}攸_{凡微}叙_{六羽}至_{凡微}今_{尺角}木_{乙宮}鐸_{六羽}

徹饗樂昌和之章

先_{六羽}師_{尺角}有_{上商}言_{尺角}祭_{六羽}則_{凡微}受_{六羽}福_{尺角}四_{乙宮}海_{六羽}鬯_{尺角}宮_{凡微}疇_{乙宮}敢_{上商}不_{乙宮}肅_{六羽}禮_{尺角}成_{凡微}告_{尺角}徹_{六羽}母_{乙宮}疏_{上商}母_{乙宮}瀆_{六羽}樂_{乙宮}所_{凡微}自_{乙宮}生_{六羽}中_{尺角}原_{上商}有_{乙宮}菽_{六羽}

送神樂德和之章

鳧_{六羽}繹_{凡微}寗_{上商}寗_{尺角}涿_{尺角}泗_{六羽}洋_{乙宮}洋_{上商}景_{凡微}行_{尺角}行_{尺角}止_{凡微}流_{乙宮}澤_{上商}無_{尺角}疆_{上商}聿_{尺角}昭_{凡微}祀_{上商}事_{六羽}祀_{六羽}事_{凡微}孔_{乙宮}明_{上商}化_{六羽}我_{尺角}蒸_{六羽}民_{凡微}育_{凡微}我_{上商}膠_{乙宮}庠_{六羽}

樂器 麾 金鐘 玉磬 鼓 祝 敵 琴 瑟 笙 搏拊 排簫 笛 簫 壎

箎

舞譜

初獻

自

稍前向外開籥舞

民

合手蹲朝上

誰

兩兩相對蹲東西相向

其

正揖

惟

兩兩相對自下而上東西相向

神

中班轉身東西相向立惟兩中班十二人轉身俱東西相向

度

稍前向外垂手舞

生

蹈向裏開籥舞

來

起辭身向外高舉籥面朝

底

合手蹲朝上

盛

起平身出左手立

師

稍前舞舉籥垂翟

明

舉翟三合舞

越

蹈向裏垂手舞

前 向前合手謙步雙手合籥

棗 正蹲朝上

具 正揖

禮 兩兩相對交籥兩班俱東西手執籥

期 向外退挽手舉籥向外面朝上

黍 稍前舞

非 左右垂手兩班上下俱雙垂手東西相向

惟 左右側身垂手向外開籥垂手舞

之 正揖朝上

亞獻

聖 回身再謙退步側身向外高手回面向上

帛 稍舞躬身挽手側身向外呈籥耳邊面朝上

成 起辭身挽手復舉籥正立

容 正揖

稱 回身正立

稷 正蹲朝上

馨 起合手相向立

神 右側身垂手向立垂手

聽 躬而受之躬身朝上拱籥而受之三鼓畢起

大 左右進步向外垂手舞

聖 向外落籥面朝上

實 正蹲

生 向裏舞

作 兩兩相對自下而上兩班相舉籥東西向

以 轉身東西相向立

時 稍前舞蹈兩班上下俱垂手向外

無 合手謙退步向前垂手合舞

清 稍前舞向外開籥翟

惟 平手雙執籥翟開籥翟

哉 右向裏垂手舞

師 退向正身立

天 起身向前轉向外舞

德 合手謙進步向前雙手合籥蹲謙

樂 上下俱垂手惟兩中班上下十二人俱垂手轉身東西向

崇 相向立兩班上下以翟相籥

祀 向裏垂手舞

斲 回身再謙兩班上下東西相向合籥立

酏 向裏舞

馨 合籥翟朝上正立

嘉 側身垂左手兩班俱垂手向外舞

孔 雙手舞籥雀射身

薦 一叩頭舉右手叩頭

神 復舉右手叩頭

庶 三舞蹈舉籥向左躬身舞

昭 舉籥復向左躬身舞

三獻

百 向外開籥舞

宗 側身向外而朝上

生 兩班上下兩兩相對交籥

牲 躬身正揖

碩 躬而受之恭身朝上拱籥受之一鼓而起

羞 舉左手叩頭

明 拜一鼓畢即起躬身三鼓正身

幾 舉籥向右躬身舞

格 拱籥躬身而受之

王 向裏開籥舞

師 朝上正立

民 合手朝上正躡

物 側身向裏落籥

瞻 向外開籥舞

洋 開籥朝上正立

神 向外開籥舞

甯 進步向前雙手合籥

酌 向外開籥舞

金 開籥朝上正立

惟 向外垂手舞

且 朝上正揖

登 躬身向左合籥舞

軌 合籥朝上正立

之 向裏開籥舞

洋 合籥

其 向裏開籥舞

止 回身東西相向手謙

彼 向裏朝籥舞

罍 合籥朝上正立

清 向裏垂手舞

旨 躬身而受之

獻 躬身向右合籥舞

惟 躬身復向左合節

三 合節朝上拜一鼓便起身

於 側身向外垂手舞

嘻 側身向裏垂手舞

成 朝上正揖

禮 躬身朝南受之三鼓畢起身

舞器 麾旛一桿 旗節一桿 籥三十六管 龍箏三十六柄

執事官生

糾儀官一員

樂舞生九十一名

執事生七十六名

贊禮生二十八名

聖廟祝文

維

先師德參造化道冠古今集羣聖之大成炳前知以垂憲天下為公中國一人之量生民

未有六經千載之心循宮牆而瞻富美入室升堂隆俎豆而奉馨香先明後法茲屆上
丁祇率彝章肅展微忱聿將祀典以

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新禮樂明其禋祀尙 饗

崇聖祠祝文

維

王垂裕後昆光開聖緒爲層冰之積水作大輅之樞輪既祖功而宗德必有達人亦木本
而水源不忘數典茲屆上丁聿修祀事以

先賢孔氏

先賢顏氏

先賢曾氏

先賢孔氏

先賢孟氏配尙饗

歷代尊孔紀畧

漢高帝十二年冬十一月自淮南過魯以太牢祭孔子又封九代孫騰爲奉祀君此後世帝

王祀孔及推恩聖裔奉祀之始

元帝永光元年賜十三代孫霸爵關內侯號褒城君詔以所食邑祀孔子此聖裔封侯之始

平帝元始元年加封霸曾孫爲褒城侯夏六月追諡孔子爲褒城宣尼公孔子有諡蓋始於此

東漢光武建元五年冬十月帝征董憲過魯使大司空以太牢祀孔子 此遣官詣闕里祭告之始

明帝永平二年冬十月養三老五更於辟雍令郡縣道行鄉飲酒禮於學校皆祀周公孔

子牲以犬 此國學郡縣祀孔子之始

十五年帝東巡過魯幸孔子宅祀仲尼七十二弟子 此幸闕里及弟子從祀之始

魏齊王芳正始二年春二月使太常釋奠以太牢祭孔子於辟雍顏淵配 此國學釋奠以弟子配享之始

晉武帝泰始七年皇太子講孝經通親以太牢祀孔子 此太子釋奠之始

成帝咸康元年帝講詩經通親釋奠 按古者幸學皆命有司行事天子視之而已此天子親祭國學之始

宋文帝元嘉二十三年皇太子釋奠於太學用登歌 此釋奠用樂之始

北魏孝文帝太和十六年改謚孔子曰文宣尼父遣官就廟行冊禮帝復齋中書省親拜

祭於廟 此天子親拜之始 又每歲春秋二仲列軒縣樂六佾舞行三獻禮每月旦祭酒領博士以

下及諸生拜孔揖顏郡縣學博士以下亦每月朔行禮

此後世春秋釋奠及朔日行禮之始

北周宣帝大象二年恭聖侯晉爵鄒國公

此聖裔晉公爵之始

唐太宗貞觀二十一年詔以左邱明以下二十二人並配享

此先儒配享之始

又國學設奠令國子

祭酒爲初獻祝辭稱皇帝謹遣仍令司樂爲亞獻博士爲終獻其諸州刺史爲上獻上

佐爲亞獻博士爲終獻縣學令爲初獻丞爲亞獻博士既無秩主簿及尉爲終獻國學

祭以太牢用軒縣六佾之舞並登歌一部與大祭祀遇改用中丁縣常用上下無樂祭

以少牢

此後世國學遣官設奠並直省以長官主祭之始

元宗開元八年詔以十哲爲坐像悉與祀曾參特爲之像坐亞之圖七十子二十一賢於

廟壁

此十哲配祀之始

十三年幸孔子宅親釋奠遣禮部尙書蘇頌以太牢祭孔子墓

此遣官祭墓之始

二十七年追諡孔子爲文宣王贈十哲爲公侯曾參以下六十七人爲伯

此孔子封王弟子封公侯伯之始

穆宗元和十三年恩詔予文宣公一子

此聖裔任子之始

宋太祖建隆三年詔祭文宣王用一品禮立十六戟於廟門

此列戟之始

太宗太平興國三年以十四世孫宜襲封文宣公

按五代以來襲封廢絕至是復

眞宗大中祥符元年追封叔梁紇齊國公顏氏魯國太夫人丁官氏鄆國夫人

此追封先代及妻之始

又帝謁孔子廟幸孔林降輦乘馬至墓設奠再拜

此幸孔林拜墓之始

天禧元年以文宣公知仙源縣

曲阜改名事此聖裔知本縣之始

仁宗至和二年改封孔子四十六代孫宗愿爲衍聖公

此封衍聖公之始

徽宗崇甯三年詔文宣王殿以大成爲名

此大成名殿之始

高宗紹興八年詔衍聖公於衢州賜田奉祀

高宗南渡孔氏率族如衢

十四年帝幸太學止輦大成門外升東階跪上香執爵祭酒再拜 此幸學跪拜降輦門外之始

金章宗明昌二年詔令迴避周公孔子之名 此避聖諱之始

夏仁宗乾祐二十三年尊孔子為文宣帝 此特尊為帝也

元文宗至順元年詔加封叔梁紇為啟聖王顏氏為啟聖王夫人二年封万官氏為大成

至聖文宣王夫人 此先代及妻加封之始

明太祖洪武三年詔設孔顏孟三氏學改世襲曲阜知縣為世職知縣以孔氏子弟之在

曲阜者除授 此設三氏學曲阜知縣世職之始

十五年南京大學成去塑像設木主 此聖廟設木主之始

二十六年頒大成樂於天下 此郡縣用樂之始

成祖永樂四年三月帝親釋菜服皮弁行四拜禮 此釋菜四拜之始

英宗正統三年詔加封伯魚曾皙公爵偕顏孟父俱配享啟聖王殿 此啟聖祠配享之始

九年三月帝幸學釋菜命行人官取衍聖公及三氏子孫赴京觀禮定為令 此衍聖公及三氏子孫赴

京觀禮之始

天順十六年命所在過孔門者皆下馬 此過廟下馬之始

景帝景泰二年詔以顏孟後並為五經博士世襲奉祀

六年詔以周敦頤程頤朱熹後並為世襲五經博士 此先賢後裔世襲博士之始

武宗正德元年命南京孔彥繩為世襲五經博士奉衢州孔子廟祀

二年以北京孔聞禮為世襲五經博士王子思子中庸書院祀 此南北京並置博士之始

世宗嘉靖九年詔孔子神位稱至聖先師去位號四配十哲以下去公侯伯爵 此孔子稱至聖先師之始

十四年冬置世襲國子學正奉儀奉孔子廟祀 此世襲國子學正之始

神宗萬曆二十八年詔國學先師廟易以琉璃瓦

此先師廟用琉璃瓦之始

清太宗崇德元年遣官祭孔子廟

五年定春秋二仲上丁行釋奠禮

世祖順治元年定月朔及進士釋褐釋菜禮月望行香儀又衍聖公封爵一如前朝階正一品班列尙書上

二年改賜三台銀印又衍聖公嫡長子年至十五歲授二品冠服

聖祖康熙九年詔頒臥碑於天下學宮

二十三年幸魯親釋奠孔子行三跪九叩禮旋幸孔林行一跪三叩頭禮製萬世師表

四字懸大成殿明年頒天下學宮二十八年製孔子贊并顏曾思孟贊

四十九年詔直省同城大小武職一體入聖廟行禮

六十一年詔以衍聖公視正一品廕子五品官著爲令

世宗雍正元年詔改幸學爲詣學三月詣學行釋奠禮六月曲阜孔廟災上具素服親詣國子監文廟行祭告禮駕出東華門不設鹵簿不鳴鐘不陪祀王大臣官員不迎送

二年詔追封孔子先世五代爲王啟聖祠改爲崇聖祠

三年頒御書生民未有額於天下文廟詔郡縣學二祭增用太牢又諭先師孔子聖諱理應迴避查毛詩及古文此字讀作期音者甚多嗣後除四書五經外凡遇此字並加卍旁爲邱地名亦不必改易但加卍旁讀作期音庶協尊崇之意

五年詔查八月二十七日恭值至聖誕辰内外文武各官各軍民人等致齋一日不理刑名禁止屠宰著爲令又定制省會之區凡遇丁祭督撫學政皆親詣行禮毋得先行祭丙苟簡從事

七年重修闕里文廟成新塑聖賢之像聖像冕十二旒服十二章啟聖及先賢冕九旒服九章用玄衣纁裳頒發鎮圭

高宗乾隆二年詔以闕里文廟世宗憲皇帝特命蓋易黃瓦辟雍規制宜加崇飾大成門大成殿著用黃瓦崇聖祠著用綠瓦以昭展敬至意

三年頒御書與天地參額於天下學宮

九年詔禁止北省立三教堂道流建醮以天尊之號謬加聖人

十二年駕至曲阜是日先詣廟行香行三跪九叩頭禮次日親釋奠遂詣孔林行一跪

三叩頭禮詔蠲免山東錢糧廣山東學額數拔十三世子孫貢入成均錫賚各有差

十三年詔令曲阜知縣在外揀選補用

仁宗嘉慶五年頒御書聖集大成額於天下學宮

宣宗道光頒御書聖協時中額於天下學宮

文宗咸豐頒御書德齊禱載額於天下學宮

穆宗同治頒御書聖神天縱額於天下學宮

德宗光緒三十三年詔孔子升大祀頒御書斯文在茲額於天下學宮

宣統元年頒御書中和位育額於天下學宮

關岳廟 每歲春秋分節氣後第一戊日致祭

關壯穆侯

岳忠武王

祭品 帛二 登二 鉶二 簋二 簋二 饗十 豆十 牛一 羊一 豕一

尊二 爵六

東序從祀十二位

張飛 王濬 韓擒虎 李靖 蘇定方 郭子儀 曹彬 韓世忠 旭烈兀 徐達

馮勝 戚繼光

祭品 帛二 鉶一 簋一 簋一 籩四 豆四 羊一 豕一 尊二 爵六

西序從祀十二位

趙雲 謝玄 賀若弼 尉遲敬德 李光弼 王彥章 狄青 劉錡 郭侃 常遇

春 藍玉 周馥吉

祭品與東序同

關岳廟禮節

祭日屆時正獻以下皆具祭服集致齋所正獻盥手閱祝版署名訖司祝進奉於祝案

俟鼓三嚴贊引引正獻入武成門左門分贊引分獻傳贊引與祭員隨入典儀贊樂舞生就位執事員各司其事贊獻官就位正獻分獻及與祭員各就拜位北嚮立贊迎神司樂贊舉迎

神樂奏建和之章樂作贊引贊再拜傳贊贊衆官皆拜正獻分獻及與祭員皆行再拜禮跪拜再拜興樂止典儀贊奠帛爵行初獻禮司樂贊舉初獻樂奏安和之章司帛爵捧帛爵各進

神位立樂作贊引贊詣奠帛位引正獻入殿左門詣

關壯穆侯帛案前立贊奠帛正獻受帛拱舉仍授司帛奠於案正中退贊詣獻爵位引正獻詣

關侯爵案前贊獻爵正獻受爵拱舉仍授司爵奠於爵塾正中退贊詣奠帛位引正獻詣

岳忠武王帛案前奠帛贊詣獻爵位引正獻詣

岳王爵案前獻爵均如前儀贊復位引正獻仍由殿左門出復拜位立分贊引兩序分獻入殿左右門各就案前立受帛爵拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引正獻進殿左門詣讀祝位正立典儀贊讀祝司祝讀祝畢正獻受祝版拱舉仍授司祝司祝奉祝版至

關侯位前安於篚內退樂復作贊引贊復位引正獻出殿左門復拜位立樂止典儀贊行亞獻禮司樂贊舉亞獻樂奏靖和之章樂作司爵捧爵分詣

神位前拱舉各奠於左退樂止典儀贊行終獻禮司樂贊舉終獻樂奏康和之章樂作司爵捧爵仍分詣

神位前拱舉各奠於右退樂止典儀進至殿東西嚮立贊受版退贊引贊詣受版位引正

獻進殿左門詣受脤位正立司脤執脤至

正位前拱舉退立於正獻之左接脤進立於右贊引贊受脤正獻受脤拱舉授於右贊復
位引正獻出殿左門復拜位立贊再拜傳贊贊衆官皆拜正獻以下皆行再拜禮如前
典儀贊徹饌司樂贊舉徹饌樂奏蹈和之章樂作司爵各進

神位前徹籩豆各一少移故處退樂止典儀贊送

神司樂贊舉送

神樂奏揚和之章樂作贊引贊再拜傳贊贊衆官皆拜正獻以下仍皆行再拜禮如前樂
止典儀贊捧祝帛送壝司祝帛爵各進

神位前恭捧祝帛酒饌依次送往壝所時贊引引正獻轉立西旁俟祝帛過畢仍引復拜
位立樂作司壝數帛典儀贊禮成贊引引正獻出武成門左門分獻以下隨出至致齋

所樂止正獻以下更衣各退

祝文

惟

神武功彪炳偉烈昭垂建入節於千秋振英風於六合忠誠正直麗河嶽而長留智仁勇
功與日星而並耀潔馨香而合祀德量同符肅俎豆以明禋心源如接惟祈

歆享克鑒精誠尙 饗

樂章

迎

神樂奏建和之章辭曰懿鑠兮神功震華夏兮英風義勇兮河東惟湯陰兮與同修祀典
兮方州佇降歆兮闕宮

初獻樂奏安和之章辭曰神來兮格思風馬下兮靈旗量幣兮初陳薦芳馨兮玉卮瞻
仰兮明威儼如在兮軒墀

亞獻樂奏靖和之章辭曰萬舞兮洋洋禮再舉兮陳觴靈昭兮既留庶鑒誠兮降康
終獻樂奏康和之章辭曰名世兮鍾靈炳河嶽兮日星祀事兮三成肅駿奔兮廟庭
徹饌樂奏蹈和之章辭曰告徹兮禮成神其受兮苾芬明德兮惟馨播聲威兮八紘
送

神樂奏揚和之章辭曰雲駕兮高翔神將歸兮九閭受福兮烝民導我武兮惟揚
紀念

武昌起義陽歷十月十日是謂國慶懸旗致賀並追悼革命諸烈士
南京政府成立紀念陽歷一月一日懸旗致賀

北京宣布共和南北統一紀念陽歷二月十二日懸旗致賀國會開幕紀念陽歷四月
初八日懸旗致賀

雲南倡義擁護共和紀念陽歷十二月二十五日懸旗致賀

各學校開學儀式

開學日由本校管教各員整齊衣冠率學生齊集禮堂向

聖人位前行三跪九叩禮畢各員西面學生東面向各員行一鞠躬禮退班散學時亦如
之

已廢典禮

上祀

社稷壇 在縣治西門外民國五年經河南官產經理處變賣委員王洪達承賣捐入公

款局

每歲以春秋仲月上戊祭

祭品 帛一 羊一 豕一 釧二 簋八 豆八 簠四 簋四 爵六

儀注 祀日承祭官及陪祭官各衣朝服由禮生引至壇前盥洗上香迎神二跪六叩
初獻一叩讀祝一叩亞獻三獻均如初獻儀飲福受胙一叩謝福胙一詭三叩徹饗送
神二跪六叩望燎一揖禮畢

中祀

先農壇 在城東五里民國五年經河南官產經理處變賣祀廢按 先農壇及藉田之
設立始於清雍正五年每歲仲春亥日各率所屬官以及耆老農夫致祭
先農之神照九卿耕藉行九推之禮

祭品 帛一 羊一 豕一 鉏一 鑿四 豆四 簋二 簋一 爵三

儀注與社稷壇同

耕藉儀注 各官更蟒衣詣藉田行耕藉禮正印官秉耒佐貳捧青箱播種各官俱用右手扶犁左手執鞭各行九推禮農夫終畝畢各回官廳更朝衣望北闕恭行三跪九叩禮畢

神祇壇

按前清雍正三年議準直省府州縣

神祇壇設

風雲雷雨位於中設

山川位於左稱某府州縣境內

山川之神設

城隍位於右稱某府州縣

城隍之神每歲於春秋仲月上戊日致祭以地方正印官爲主祀

另於教職內委監禮官一人佐貳雜職內委監視祭品官一人

其祭品則 帛一 羊三 豕三 饌案三 饗豆各四

簠各三 爵各三 其儀注與社稷壇同

羣祀

關帝廟

每歲以春秋二仲及仲夏中旬三日致祭自民國成立改爲武成殿與岳忠武王合祀
而此典遂廢

祭品 帛一 牛一 羊一 豕一 登一 銅二 鑊十 豆十 簠簋各一 罍
一 鐙二 香盤三 尊三 爵九

五月十三日

聖誕 帛一 牛一 羊一 豕一 果五盤

儀注 祭日禮生引承祭官進左旁門盥洗畢至殿內行禮處上香迎神三跪九叩初
獻三叩讀祝三叩亞獻三獻均如初獻儀飲福受胙三叩徹饌送神三跪九叩望燎一
掛禮畢

清雍正三年議準追封

關帝三代公爵製造神牌奉安後殿於五月致祭外增春秋二祭

祭品 帛三 羊各一 豕各一 登各一 銅各二 鑊豆各八 簠簋各一 罍

一 燈一 香盤三 尊三 爵九

儀注 承祭官詣各案前奉香行二跪六叩禮餘同前殿

文昌廟

清嘉慶六年禮部遵 旨議奏

文昌帝君仿照崇祀

關帝典禮一摺奉 旨依議欽此通飭各直省每年春秋二祭二月初三日

聖誕爲春祭八月欽天監選定吉日爲秋祭並製

文昌帝君先代神牌奉安後殿照

關帝後殿祀典致祭今廢

奎樓 上丁日祭其祭品爲 帛一 羊豕各一 爵六

籩豆各四 簠簋各一 其儀注爲一跪三叩今廢

忠義祠 祀常十以下十二人

節孝祠 祀旌表入祠者

名宦祠 祀卓茂以下七人

鄉賢祠 祀侯霸以下九人

按前清時代孔廟左右各建以上四祠每歲春秋釋奠畢教諭一人公服詣祠致祭其祭品儀注與祀奎樓同今廢

厲壇

每歲清明七月望十月朔祭厲壇於城北郊先期守土官飭所司具香燭公服詣城隍神以祭厲告黎明禮生奉

城隍神入壇引守土官詣

神位跪興如儀畢仍奉

城隍神還廟

城隍位祭品 帛一 羊一 豕一 爵三 饌案一

邑厲位陳設 羊三 豕三 米飯三斗

城隍聖誕每年五月二十八日祭其祭品爲 帛一 羊一 豕一 爵三 饌案一

其儀注爲二跪六叩

虫王廟

每年六月十二日祭 祭品同上 儀注一跪三叩

八蜡祠 清乾隆三年以劉猛將軍配

揚威侯祠 以上隨 社稷壇祭

土地祠 隨壇祭 又每年二月初二日祭

火神廟 每年六月二十三日祭

以上祭品儀注與 蟲王廟同

旗纛

每歲端午霜降日於演武場祭之

祭品 帛一 爵三 豕首一 饌案一 儀注同上

馬王廟

每歲春秋仲月上戊日祭 又六月二十三日祭

祭品 帛一 羊一 雞一 素饌一案 儀注同上

白龍王廟

每歲二月初二日祭 祭品儀注與 城隍聖誕同

卓君廟

每歲春秋仲月上戊日祭 又九月初四日祭祭品同上儀注一跪三叩

藥王廟

以下皆不奉勅

每歲九月十五日祭 祭品同上儀注二跪六叩

大王廟

每月朔望行二跪六叩禮

城門

每新官蒞任一祭 祭品儀注與旗纛同

獄神廟

朔望行香無祭期祭品

三官廟

祝文

社稷壇祝文

清乾隆八年頒

惟 神贊襄天澤福佑蒼黎佐靈化以流行生成永賴乘氣機而鼓盪溫肅攸宜磅礴
高深長保安貞之士憑依鞏固實資捍禦之功幸民俗之殷盈仰神明之庇護恭修歲
祀正值良辰敬潔豆籩祇陳牲幣尙 饗

先農壇祝文

惟 神肇興稼穡粒我蒸民頌思文之德克配彼天念率育之功陳常時夏茲當東作

咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙岐上瑞頻書於大有尙饗

神祇壇祝文

惟神奠安九土粒食萬邦分五色以表封圻育三農而蕃稼穡黍承守土肅展明禋

時屆仲春秋敬修祀典庶丸丸松柏鞏盤石於無疆翼翼黍苗佐神倉於不匱尙饗

奎樓祝文

惟神七星冠首六合承輝德耀青陽祐人才而奮起祥開紫電煥文運之光昌天象照臨士林忭慶敬修禋祀肅展微忱尙饗

關帝祝文

惟帝浩氣凌霄丹心貫日扶正統而彰信義威振九州完大節以篤忠貞名高三國

神明如在徧祠宇於寰區靈應丕昭薦馨香於歷代屢徵異蹟顯佑羣生恭值良辰遵
行祀典筵陳籩豆凡奠牲醪尙饗

關帝先代三公祝文

惟公世澤貽庥靈源積慶德能昌後篤生神武之英善則歸親宜享尊崇之報列上
公之封爵錫命優隆合三世以肇禋典章明備恭逢諏吉祇事薦馨尙饗

八蜡祠祝文

於惟尊神實司歲功驅螽斂蝻五谷乃豐茲當歲穰虔具犧牲神其保佑惠此生靈
尙饗

旗纛祝文

惟神旗纛是司三軍所視威揚闔外疆圉是恃霜露既肅仰答膚功神其有靈歆此

菲供尙饗

崇祭城門祝文

詔命臨民職司守土惟兆人之攸賴並藉神功冀四序之常調羣蒙福蔭必使雨暘應
候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元
化以流形俾無菑害尙饗

忠義孝弟祠祝文

惟 靈稟賦貞純躬行篤實忠誠奮發貫金石而不渝義問宣昭表鄉閭而共式祗事
懋彝倫之大性摯蒿莪克恭念天顯之親情殷棣萼模楷咸推夫懿德

綸音特闡其幽光祠宇維隆歲時式祀用陳簋盞來格几筵尙饗

節孝祠祝文

惟 靈純心皎潔令德柔嘉矢志完貞全閨中之亮節竭誠致敬彰壺內之芳型茹冰
蘖而彌堅清操自勵奉盤匱而匪懈篤孝傳徽

絲緇特沛乎殊恩祠宇昭垂於令典祇循歲祀式薦尊醪尙饗

名宦祠祝文

於惟 諸公檜陽先正彬彬濟美爲憲爲令宜民宜人福有餘慶我後之人繩武是競

惟茲仲春謹以牲帛醴醑柔盛庶品之儀祇薦於神尙饗

鄉賢祠祝文

於惟 諸公檜陽粹英允文允武克孝克忠泰山喬嶽月且有聲千秋萬禩俎豆光榮

惟茲仲春謹以牲帛醴醑柔盛庶品之儀祇薦於神尙饗

文昌廟祝文

清嘉慶六年頒定

惟神蹟著西垣樞環北極六匡麗曜協昌運之光華百代垂靈爲人文之主宰扶正久

彰天感召薦馨宜致其尊崇茲屆仲春用昭時祀尙其歆格鑒此精虔

文昌三代祝文

祭引先河之義禮崇反本之思矧夫世德彌光延賞斯及祥鍾累代炯列宿之精靈化

被千秋緯人文之主宰是尊後殿用答前庥茲值仲春肅將時祀用申告潔 神其格

歆

拜牌儀注

皇帝萬壽節 於法海寺安設龍亭文武各官衣朝服行三跪九叩禮前後三日俱蟒服

坐班

皇后千秋暨元旦長至各節儀注俱同惟不坐班

接詔儀注

詔書至文武各官俱朝服出郭肅迎朝使捧詔書置龍亭衆官行三跪九叩禮至公庭時亦如之展讀畢三品以上官跪請聖安退易服與朝使行禮如經過或止宿於郵亭設香案供奉三跪九叩迎送皆道右跪候本縣遇有 恩詔其跪迎開讀儀注同

迎春儀注

每歲先期塑造春牛及芒神立春前一日各官朝服迎於東郊祭勾芒神行三跪九叩本日衣告服祭勾芒神同前禮畢各執綵杖正官擊鼓三聲環鞭土牛者三

朔望儀注

每月朔望 長官及僚屬謁廟行香行三跪九叩禮畢率僚屬暨鄉約木鐸老人可約人等齊至講約所由司講生恭捧聖諭登台宣讀畢退

祈禱儀注

設香案於城隍廟

或祀神廟僧道開壇誦經各官俱衣素服步行至廟行一跪三叩禮宣疏文亦如之祈雨則注水盂缸滿插柳枝

救護儀注

日月薄蝕時

露台設香案儀門列金鼓各官俱素服齊集台上初虧行三跪九叩禮正印官上香擊鼓三聲金鎖齊鳴食其再行三跪九叩禮復圓時亦如之

到任儀注

凡新官蒞任行至郭外更蟒衣祭城門一跪三叩入東門避巖宮遶後街至儀門祭儀與城門同登露臺更朝服望闕謝恩三跪九叩拜印一跪三叩更蟒服祀竈一跪三叩發佛升堂皂隸排衙陰陽生報吉時用印三顆書吏眾役以次叩賀堂吏稟事畢回署次早謁廟行香

開印儀注

屆期備鼓樂鳴炮開門設香案於大堂正官著朝服上堂拜印眾官隨班行三跪九叩

禮望闕謝恩亦如之禮畢更蟒服陞公座各官稟賀堂吏請開印發僉押牌皂隸排衙書役叩賀畢鼓吹鳴炮封門典吏捧印進署

封印儀注

屆期正官著朝服上堂陞公座鳴炮開門吏房請印印封印大吉四字用印三顆典吏書役分班叩賀畢設案率領各官拜印行三跪九叩禮各官旁立鳴炮掩門鼓樂迎印進署

鄉飲酒儀注

每歲正月十五月初一在儒學舉行先期執事者於儒學講堂陳設坐次司正率執事者習禮至日宰牲具饌主席及僚屬司正先詣學遣人速賓比至執事者先報賓至主席率僚屬出迎門外主東賓西三揖三讓而後升堂東西相向兩拜賓坐執事又報

僕至主席仍率僚屬出迎揖讓升堂拜坐如前儀賓介俱至各就位司正揚觶由西階至堂中北向立賓僕以下皆立各揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生語竟司正飲酒畢一揖賓僕以下皆揖各復位次讀律令讀者向北立案前賓僕以下皆立行揖禮如前讀畢各復位次舉饌執事者舉案至賓前次僕次介次主三賓以下各以次舉訖賓主起席北面立執事酌酒授主主詣賓前置於席稍退兩拜賓答拜次酌酒詣僕前交拜如前儀畢主退復位賓僕酬酒交拜亦如之畢執事分左右立介以下以次酌酒或三行或五行供湯三品畢徹饌賓主皆起僕主僚屬居東賓介三賓衆賓居西兩拜送賓以次下堂分東西行三揖出門而退

凡鄉飲酒禮序長幼崇賢良別奸頑其坐位年高德邵者居上高年淳篤次之次序齒
違條犯法者不與焉主以知縣爲之位東南大賓以致仕官爲之位西北僎以里中年
高有德者爲之位東北介以次長位西南三賓以下之次者爲之位於賓主介僎之後
除賓僎外衆賓序齒僚屬序爵司正以教官爲之贊禮以老生員爲之

初歌鹿鳴首章

次歌南山首章

三歌淇露首章

終歌天保首章

鄉約儀注

凡縣城及四鄉各立講約所每所設約正一人以老誠有學行者充之復選樸實謹守
者爲直月置勸善規過二籍由直月掌之月朔預約同鄉齊集約所相對三揖以次分
左右立設案於庭中直月北面抗聲宣講聖諭廣訓約正復推闡其說必使剴切詳明

衆皆通曉講畢鄉人有善者衆推之有過者直月究之約正詢其實狀命直月分書於籍善者由直月朗讀過者由衆人默視事畢捐退年終則綜核善過彙冊呈報縣署以爲勸懲過而能改一體獎勵

賓興儀注

凡大比之年先試期一月知縣擇吉具啟延致應試諸生屆期大堂設宴演劇駕登瀛橋諸生普謁行四拜禮見學師三揖即席知縣命送酒三巡諸生簪花披紅由彩橋出送至大門外禮畢

送學儀注

凡歲科試新進紅案到縣擇日設席於大堂諸生著藍衫分班參見行四拜禮即席給花紅鼓樂前導送至

孔廟墀下行三跪九叩禮次詣明倫堂知縣與學師交拜新生叅見學師行四拜禮宣讀
臥碑即席飲三巡起立新生向上三揖退

密縣志卷十

學校志

書院

興學書院 在縣東門外知縣夏應元創建今廢碑記尙存

檜陽書院 在縣治西知縣衷鯤化創建後廢碑記見藝文志

瑞春書院 在縣治東北隅卓君廟左清乾隆四十年知縣邱景雲創建有碑記前後兩

進講堂齋舍共計三十三間回文堂五間大門一間左右門房各一間每歲延聘山長

一人主講後仍改爲檜陽書院云

試院 在檜陽書院大門內清同治十年知縣孫永治創建有碑記東西考棚共三十三

間調石橈八百餘號自停止科舉建設學校改爲職教員宿舍儲藏接待閱報等室

學額 按前清學政全書密縣額進十二名廩生二十名增生二十名二年一貢武生歲科併試額進十二名至咸豐九年因修築城隍奏增文武各二名

學田 舊有地十八畝坐落在城保泰山廟張固保劉文泰捐入地一頃三十餘畝莊基一處坐落苟家堂天仙保郭克勤捐入地八十四畝莊基一處坐落洪山廟西大坡口謝村保王名玉捐入地四畝蘇恒吉捐入地五十七畝坐落野貓溝以上共地二頃九十餘畝莊基兩處年租俱由學官經收自儒署裁撤改爲學務公款

按檜陽書院舊有肥地一頃五十畝瘠地四頃三十三畝八分二釐至光緒二十年知縣祝康祺籌捐銀一千兩邑紳山東巡撫張汝梅捐銀一千兩閭邑紳董籌捐銀九百兩共易錢三千六百九十串餘添置地畝一價買陳詩卿地一頃莊基一處坐落常十塚側一價買李錫三李之清地八十畝莊基一處坐落士郭村東一價買任景玉等地

三十三畝四分八釐坐落任家岡一價買包書樓等地四十畝零一分九釐一毫坐落
養錢池一價買李大勤地七十九畝九分三釐六毫莊基荒園一處坐落薛家莊一價
買周啟元地六畝九分五釐坐落長嶺溝以上各地畝每年租入俱充延師膏火之用
自改建學堂經費不敷復酌提各保廟產二十餘頃一在城保三官廟地三十五畝六
分大王廟地一頃零三畝卓君廟地十畝一平陌保鬪牛廟地五畝一天仙保八里廟
地十二畝一士郭保開陽廟地十畝一方山保槐蔭寺地二十畝祖師廟地十畝下寺
地三十畝一高村保花崖寺地二十畝地仙廟地十畝上寺地一頃一十畝竹泉寺地
三十畝高村寺地二十畝一常村保娘娘廟地五畝海山寺地十畝一盧村保藥王廟
地二十畝靈仙廟地九畝一王村保白龍廟地二十五畝超化寺地十畝一岐固保岐
固寺地一頃報恩寺地七十畝一張固保南泉寺地六頃四十七畝興隆寺地十畝一

官澤保五郎廟地十五畝一南朱保五虎廟地十畝一曲梁保鐵佛寺地三十畝觀音堂地三十畝一浮山保如堂廟地二十畝雲崖宮地七十畝零七分七釐顯應寺地二十五畝浮圖寺地一頃零一畝一分七釐一岳村保壽聖寺地二十五畝

義塾 分設城廂各保清道光七年知縣楊炳堃創建有碑記今俱改爲國民學校

勸學所 在縣城東街就文昌宮舊址改組宿舍辦公室共九間按前清光緒三十二年四月學部頒發勸學所章程通飭各廳州縣均設勸學所一處內設勸學總董一員總核各學區事務兼充縣視學所用鈐記即照儒學印式刊發各學區均設勸學員一員分任各區勸學之責宣統二年復修訂勸學所章程三年四月復改勸學總董爲勸學員長兼充縣視學定爲三年一任密縣勸學所於光緒三十二年成立原設縣署西偏天寶觀宣統二年始移於此民國三年三月奉令暫行停設四年十二月教育部會同

財政部擬訂勸學所及學務委員會規程至八年八月密縣勸學所始行恢復

歷任勸學員長 附

王鳳文 光緒三十一年任

楊卓瀛 宣統三年任

姚鶴齡 民國元年任

李明善 民國二年任兼縣視學

侯欽明 民國四年任兼縣視學

教育會 在東街文昌宮設立內置會長一人會員二人名譽會員無定額圖章用木質
文曰密縣教育會之圖章由縣刊發啟用

按前清光緒三十二年六月學部頒發教育會章程令各廳州縣自由組織密縣教育

會至宣統二年始行成立

歷任會長 附

馬國璋 宣統二年任

縣視學辦公處 按民國三年教育部頒布縣視學暫行章程飭各縣設縣視學一員所有勸學所勸學員長及勸學員暫行停設一切職務由縣視學代為執行密縣縣視學辦公處即就勸學所地址改組

歷任縣視學 附

李明善 民國二年任

侯欽明 民國四年任

海 春 民國九年任

縣立高等小學校 在縣治東北隅就檜陽書院舊址改組教室八間學生宿舍二十間
職教員宿舍九間閱報室三間接待室二間會食廳三間飲茶室二間談話室二間夫
役宿舍二間庖湏室八間操場面積二萬八千方尺學生現僅兩班常年經費即就檜
陽書院舊有地畝暨酌提廟產租稞項下動支

按前清光緒二十七年八月詔各省所有書院於省城改設大學堂各府廳直隸州改
設中學堂各州縣改設小學堂並多設蒙養學堂所有鄉會試及科歲考每次減去三
分之一至十年減盡爲止至三十一年北洋大臣袁世凱等奏准自丙午科爲始鄉會
試及科歲考一律停止所有舉貢生員分別量予出路密縣設立高等小學堂自光緒
三十年始內置堂長一人司事一人教員無定額所用鈐記由縣刊發呈准立案學生
課程照章以四年爲限畢業獎勵最優等爲廩生優等爲增生中等爲附生下等發回

原學爲仿生民國成立改爲三年卒業官立高等小學校改爲縣立高等小學校堂長
改爲校長畢業獎勵實行廢止

歷任校長 附

馮修文

新鄭人光緒三十四年任

傅贊樞

湖北人宣統元年任

閻鳳舞

宣統二年任

張明文

林縣人民國二年任

高 煇

民國二年任

閻鳳舞

民國四年任

師範傳習所

按前清光緒三十一年學部通飭各廳州縣設立師範傳習所密縣師範

傳習所附設高小學校內所長由高等小校校長兼充辦理兩班旋即停止

教育講習科 前清宣統二年設立假儒署明倫堂爲教室分爲甲乙兩班共學員二百

四十人所需經費由縣長臨時籌措畢業後即行停止

所長由勸學員長兼充

單級師範傳習所 按民國二年教育部頒布師範教育令凡師範學校得附設小學教
員講習科四年十一月改稱師範講習所密縣單級師範講習所於八年十月成立校
舍在卓君廟內即前縣議會舊址也經費由契稅附捐項下動支學生課程以二年爲
限畢業後派充國民學校教員

歷任所長 附

張堃生 民國八年任

馬燕蓀

民國十年任

巡環教員 民國八年十月添設五學區共一員夫馬等費由地租項下動支

歷任教員

附

鄭以芝

民國九年任

國民學校 分設城關四鄉按前清光緒二十七年八月詔各州縣多設蒙養學堂以爲造就人才基礎三十年復改爲初等小學堂密縣初等小學堂於光緒三十一年設立就各保舊有義塾改組城關及四鄉原設二十五處其後逐年擴充增至四十餘處宣統二年復設模範初等小學堂至民國四年奉教育部頒布國民學校令將從前設立之初等小學堂一律改爲國民學校

女子國民學校 在舊儒署內按前清光緒三十三年學部頒發女學校章程通飭各州

縣設立女學以爲造就國民基礎密縣女子國民學校僅設城內一處假敬一亭爲教室以修武人張銘鼎捐款八百串暨賓興局市房當價八十串發商生息作爲常年經費

教員陳女士文媛

簡易識字學塾 分設各學區按前清宣統元年提學使孔飭各縣試辦簡易識字學塾並頒發暫行簡章二十條二年學部復飭各省府廳州縣均設簡易識字學塾三年改訂簡易識字學塾章程密縣於宣統二年設立十二處學徒共二百六十名課程以三箇月爲限旋即停止

學校園 按民國四年教育部通飭各學校設備學校園育苗植樹以爲學生課餘從事種植高小校學校園在校舍東偏模範國民學校園在明倫堂後天寶觀國民學校園

在觀後國民女學校園在舊儒署西偏俱於民國四年十二月設置呈領在案

農業實習場 按民國四年教育部通飭各種學校設立農業實習場應用地畝即就校

址附近官荒山地照章承領高小校農業實習場在校舍東偏與學校園毗連計地三畝餘其他各學校尙付缺如

書籍

舊有

御纂周易折中三部

欽定書經傳說三部

欽定詩經傳說三部

欽定三禮義疏兩部

欽定春秋三部

欽定性理精義兩部

御批通鑑綱目兩部

欽定明史一部

十三經註疏全部

十七史全部

宏簡錄全部

康熙字典兩部

駁呂留良四書講義一部

呂語集粹一部

欽定學政全書三部

聖諭廣訓一本

上諭一部

御論二本

聖蹟圖一本

聖賢圖贊一部

欽定本朝四書文

欽定化治四書文

欽定正嘉四書文

欽定隆萬四書文

欽定啟禎四書文

以上各書俱在尊經閣存儲年久散軼殆盡自學官裁撤片紙隻字現已無存
現存

正誼堂一部

廿四史一部

子書百家一部

朱子全書一部

李太白文集一部

皇清經解一部

欽定詩經一部

欽定周官一部

資治通鑑一部

欽定儀禮一部

佩文韻府一部

欽定禮記一部

欽定春秋一部

欽定書經一部

欽定古文淵鑑一部

唐宋文醇一部

日知錄一部

周易折中一部

東華錄一部

海國圖志一部

說文通訓一部

二程全書一部

通鑑綱目一部

子史精華一部

段氏說文解一部

胡文忠公全集一部

三十三種叢書一部

韓昌黎文集一部

左文襄公奏稿一部

說文義証一部

經苑一部

國朝先正事畧一部

唐宋詩醇一部

薛文清公讀書錄一部

中州課吏錄一部

二臣逆臣傳一部

近思錄一部

約章分類輯要一部

幾何算學一部

地理問答一部

中州名賢文表一部

馬氏文通一部

地球韻言一部

羣學辨言一部

文選一部

通鑑外紀一部

十三經注疏一部

說文通檢一部

梅氏叢書一部

古品節錄一部

日本會議史一部

楊忠愍公全集一部

顏魯公文集一部

劉忠愍公文集一部

尹河南文集一部

孫可之文集一部

重訂東游叢錄一部

明通鑑一部

以上各書現存高等小學

卷

第

一

回

一

密縣志卷十一

財賦志

詔令

清順治二年奉旨地畝錢糧自順治二年正月爲始止徵正額凡加派遼餉新餉練餉等項悉行蠲免仍免欠糧一半遭寇焚掠地方本年錢糧應全免者全免半徵者半徵順治三年奉旨准免荒徵熟除密縣荒蕪土地三百一十八頃九分四釐除荒連閏銀三千八百八十六兩一錢三分四釐

順治十七年普免天下錢糧

十六年以前各直省拖欠錢糧凡係實欠在民者俱蠲免

清康熙二十五年奉旨豁免河南湖北兩省應征地丁各項錢糧一半並康熙二十四年未完地丁錢糧悉與豁免

康熙二十九年奉旨普免天下錢糧

康熙五十年奉旨普免天下錢糧

康熙五十二年奉旨直省人丁以康熙五十年丁冊定爲常額以後編審增益名爲盛世滋生人丁永不加賦

清雍正四年奉旨丁銀派入地畝以恤有身無田之貧民

雍正七年奉旨蠲免豫省額征錢糧四十萬兩

雍正八年奉旨直隸山東江南河南有被水州縣窮民乏食散往鄰封者着該地方官動支常平倉穀大口日給一升小口五合核實賑恤再動用存公銀兩賞爲路費資送回籍並行文知會原籍地方官收留照看其所用銀穀着該督撫查核報銷嗣後以此爲例

雍正九年奉旨截留漕糧以備直隸山東河南賑濟之用

雍正十一年奉旨蠲免河南本年地丁錢糧四十萬兩

耗羨存貯項下撥補

清乾隆元年奉旨蠲免密縣水冲地二十二頃三十一畝五分豁除連閭銀二百七十二兩六錢九分

乾隆三年詔民年七十者准一丁侍養鰥寡孤獨及殘疾無告之人有司留心以時養贍勿致失所窮民無力營葬並無親族收瘞者地方官擇高阜隙地無妨耕作者多設義塚隨時埋葬勿使拋露

乾隆十年奉旨以寰宇清寧既鮮糜費之端亦無兵役之耗普免天下錢糧分三年輪免

乾隆十一年奉旨蠲免耗羨錢糧

乾隆十五年帝巡嵩洛所有河南經過地方蠲免錢糧十分之五又奉旨着督撫查明經過州縣內男婦七十以上者分別賞賚是年十月初四日帝奉皇太后駕自嵩嶽巡幸至密憩留牛兒鎮尖營膳畢易騎圍獵射虎於城西北隅之裴家凹日西駐蹕於城東大營百姓頂香跪道旁迎送以數萬計老民老婦恩賞銀牌

乾隆十六年奉旨軍民年七十以上者許一丁侍養八十以上者給與絹一疋綿一斤米一石肉十斤九十以上者倍之至百歲者題明給與建坊銀兩

乾隆三十一年因皇太后壽奉旨普蠲天下錢糧分三年輪免又奉旨蠲免漕糧折色

各州縣內有徵收折色者一體蠲免 并令業戶酌減佃戶租課

乾隆四十二年皇太后崩普免天下錢糧分三年輪免

豫省即於本年先行蠲免

乾隆五十年奉旨緩徵漕糧

五十年止徵一半其一半於五十一年五十二年帶徵

乾隆五十五年帝壽八旬普蠲天下錢糧分三年輪免并令業主酌減佃戶租糶

乾隆六十年奉旨豁免河南省節年因災帶緩民欠正耗及籽種口糧牛具並河工物料帮價等項共銀三百萬零九千五百九十六兩零米麥豆共四十萬六千四百九十二石零穀五十二萬二千一百四十三石零

清嘉慶元年詔普免天下錢糧

嘉慶十八年荒旱奉旨蠲緩錢糧並撫恤賑濟

嘉慶十九年春奉旨展賑一月

嘉慶二十四年詔普免積欠錢糧密縣無項

清道光二十七年歲荒旱

清光緒三年歲大旱奉旨蠲免本年上半年正雜錢糧並三四兩年下忙錢糧分成蠲免

光緒二十五年冰雹傷禾復大旱奉旨緩征被災各村下忙錢糧並准放常平倉社倉積谷以惠窮黎

民國五年秋大旱奉令緩征本年下忙錢糧

民國九年秋大旱變賣常平倉谷辦理平糶各直省以及外洋均籌款協濟

戶口

密境僻處山谷人煙稀少元宋以前無案可稽有明時戶僅三千八百一十男婦大小不過三萬二千二百之譜清初招來流亡益以復業戶五百七十餘口五千八百餘然尙不滿四萬之數乾隆中葉戶達一萬二千二百男婦大口二萬五千七百七十有二小口八萬一千二百三十有九至嘉慶時編查保甲戶共三萬八百五十九口共十三萬零七百二十較之前明時代增加三倍有奇歷年造冊報部雖屬具文大率有增無

減民國成立首重選政稽覈戶口視昔益詳據最近調查男婦大小已滿三十萬以上
孕育亦云繁矣

按明史食貨志洪武十四年詔天下編賦役黃冊以一百十戶爲一里推丁糧多者十
戶爲長餘百戶爲十甲甲凡十人歲役里長一人甲首一人董一里一甲之事先後以
丁糧多寡爲序凡十年一周曰排年在城曰坊近城曰廂鄉都曰里里編爲冊冊首總
爲一圖鰥寡孤獨不任役者附十甲後爲畸零僧道給度牒有田者編冊如民科無田
者亦爲畸零每十年有司更定其冊以丁糧增減而升降之冊凡四一上戶部其二則
布政司府縣各存一焉上戶部者冊面用黃紙故謂之黃冊年終進呈送後湖東西二
庫皮藏之歲命戶科給事中一人御史二人戶部主事四人釐校訛舛其後黃冊祇具
文有司徵稅編徭則自爲一冊曰白冊戶列三等曰民曰軍曰匠民有儒有醫有陰陽

軍有校尉有力士弓舖兵匠有廚役裁縫馬船之類瀕海有鹽竈寺有僧觀有道士皆以其業著籍人戶以籍爲斷禁數姓合戶附籍漏口脫戶許自實里設老人選年高爲衆所服者導民善平鄉里爭訟其人戶避徭役者曰逃戶年饑或避兵他徙者曰流民有故而出僑於外者曰附籍朝廷所移民曰移徙

國家歲入

地丁

密縣民田分上中下三則共折一色行糧上地一千二百二十八頃七十五畝一分二厘九毛三絲八忽

按明洪武二十年令河南開墾荒田永不起科每中地二畝五分折上地一畝下地七畝折上地一畝又明史食貨志凡田以近郭爲上地迤遠爲中地下地五尺爲步步二

百四十爲畝畝百爲頃太祖仍元里社制河北諸州縣土著者以社分里甲遷民分屯之地以屯分里甲社民先占畝廣屯民新占畝狹故屯地謂之小畝社地謂之廣畝至宣德間開懇荒田永不起科及漕下斥鹵無糧者皆覈入賦額數溢於舊有司乃以大畝當小畝以符舊額有數畝當一畝者步尺參差不一人得以意贏縮土地不均未有如北方者嘉靖八年霍韜奉命修會典言自洪武迄宏治百四十年天下額田已減強半而湖廣河南廣東失額尤多非撥給於王府則欺隱於猾民廣東無藩府非欺隱即委棄於寇賊矣司國計者可不究心是時桂萼郭宏化唐龍簡霄先後疏請覈實田畝而顧鼎臣請履畝丈量丈量之議由此起江西安福河南裕州首行之而法未詳具人多疑憚其後福建諸州縣爲經緯二冊其法頗詳然率以地爲主田多者猶得卜下其手神宗初建昌知府許孚遠爲歸戶冊則以田從人法簡而密矣萬曆六年帝用大學

士張居正議天下田畝通行丈量限三載竣事用開方法以徑圍乘除畸零截補於是豪猾不得欺隱里甲免賠累而小民無虛糧然居正尙綜核頗以溢額爲功有司爭改小弓以求田多或培克見田以充虛額遂先後按溢額田增賦

密縣民田每行糧上地一畝徵收折色糧銀一錢二分一厘一毛八絲三忽六微六纖共計銀一萬三千四百六十六兩四錢三分四厘八絲六忽三微六纖三沙五塵

正賦之外則有丁清康熙五十年實計見丁八千三百九十二每丁派銀一錢實征丁銀八百三十九兩二錢定爲常額續增人丁永不加賦至雍正四年十二月河南總督田文鏡題准部覆丁銀派入正賦之內每折色糧銀一兩派入丁銀五分五厘六毛五絲八忽五微一纖一塵八渺八漠

以上地丁等項銀共一萬四千八百八十九兩七錢二厘遇閏加征銀二百八十四兩

九錢零八厘共銀一萬五千一百七十四兩六錢行之數百年永爲定例至民國七年三月河南督軍兼省長趙倜咨請省議會議決通令各縣征收地丁銀一兩改折征收銀元二元二角密縣地丁銀一萬四千八百八十九兩七錢二厘每兩按二元二角征收共征銀洋三萬二千七百五十七元三角四分四厘此項總數按照一百三十分劃分內除省地方三十分七千五百五十九元三角八分七厘外實徵銀洋二萬五千一百九十七元九角五分七釐所有舊時耗羨平餘遇閏等項名目悉行刪除

附明史食貨志賦役之法唐租庸調最爲近古自楊炎作兩稅法歷代相沿至明不改洪武時黃冊有丁有田丁有役田有租租曰夏稅曰秋糧凡二等夏稅無過八月秋糧無過次年二月丁曰成丁曰未成丁凡二等民始生籍其名曰不成丁年十六曰成丁成丁而役六十而免又有職役優免者役曰里甲曰均徭曰雜泛凡三等以戶計曰甲

役以丁計曰徭役上命非時曰雜泛皆有力役有雇役府州縣驗冊丁口多寡事產厚薄以均適其力兩稅洪武時夏稅曰米麥曰錢鈔曰絹秋糧曰米曰錢鈔曰絹宏治萬曆時頗有增損大略以米麥爲主而絲絹與鈔次之初宇內富庶天下本色稅糧三千餘萬石絲鈔等二千餘萬賦入盈羨米粟自輸京師數百石外府縣倉廩蓄積甚豐至紅腐不可食歲歉有司往往先發粟賑貸然後以聞雖歲貢銀三十萬兩有奇而民間交易用銀仍有厲禁至正統元年副都御史周銓言行在各官俸支米南京道遠費多輒以米易貨貴買賤售十不及一朝廷虛糜廩祿各官不得實惠請於南畿浙江江西湖廣不通舟楫地折收布絹白金解京充俸江西巡撫趙新亦以爲言戶部尙書黃福復條以請帝以問行在戶部尙書胡濙濙對以太祖嘗折納稅糧於陝西浙江民以爲便遂倣其制米麥一石折銀二錢五分南畿浙江江西湖廣福建廣東廣西米麥共四

百餘萬石折銀百萬餘兩入內承運庫謂之金花銀其後通行全國自起運兌軍外糧四石收銀一兩解京永爲定例諸方賦入折銀而倉廩之積漸少矣嘉靖間東南被倭擾南畿浙閩多額外提編江南至四十萬提編者加派之名也其法以銀力差排編十甲如一甲不足則提下甲補之故謂之提編及倭患平應天巡撫周如斗乞減加派給事中何燧亦疏陳南畿困敝言軍門養兵工部料價操江募兵兵備道壯丁府州縣鄉兵率爲民累甚者指一櫟一請禁革之命如燧議而提編之額不能減隆萬之世增額既如故又多無藝之徵逋糧逾多規避亦益巧已解而愆限或至十餘年未徵而報收一縣有至十萬者逋欠之多縣各數十萬賴行一條鞭法無他料擾民力不大細一條鞭法者總括一縣之賦役量地計丁丁糧畢輸於官一歲之役官爲僉募力差則計其工食量爲增減銀差則計其交納之費加以增耗凡額辦派辦京庫歲需與谷留供億

諸費以及土貢方物悉併爲一條皆計畝征銀折辦於官故謂之一條鞭法立法頗爲簡便嘉靖間數行數止至萬曆九年乃盡行之至四十六年驟增遼餉三百萬時內帑充積帝靳不肯發戶部尙書李汝華乃援徵倭播例畝加三厘五毛全國之賦增二百萬有奇明年復加三厘五毛又明年以兵工二部請復加二厘合前後九厘增賦五百二十萬遂爲歲額天啟元年給事中甄淑言遼餉加派易致不均蓋戶口有戶口之銀人丁有人丁之銀田土有田土之銀有司徵收總曰銀額按銀加派則其數不漏東西南北之民甘苦不同布帛粟米力役之法徵納不同惟守令自知其甘苦而通融其徵納今因人土之宜則無偏枯之累其法以銀額爲主而通人情酌土俗頒示直省每歲存留起解各項銀兩之數以所加餉額按銀數分派總提折扣裒多益寡期不失餉額而止則愚民易知可杜奸胥意爲增減之弊且小民所最苦者無田之糧無米之丁田

鬻富室產去糧存而猶輸丁賦宜取額丁額米兩衡而定其數米若干即帶丁若干買田者收米便收丁則縣册不失丁額貧民不致賠累而有司亦免逋賦之患下部覆議從之崇禎三年軍興復於九厘外每畝加徵三厘共增賦百六十五萬四千有奇五年復加宦戶田賦十之一民糧十兩以上同之既而概徵每兩一錢名曰助餉越二年復行均輸法因糧輸餉畝計加米六合石折銀八錢又畝加徵一分四厘九絲越二年楊嗣昌督師畝加練餉銀一分御史衛周嗣言嗣昌流毒天下剿練之餉多至七百萬民怨何極御史郝晉亦言萬歷末年合九邊餉共二百八十萬今加派遼餉至九百萬勦餉三百三十萬業已停罷旋加練餉七百三十餘萬自古有一年而括二千萬以輸京師有括二千萬以輸邊者乎役法定於洪武元年田一頃出丁夫一人不及頃者以他田足之名曰均工夫迨造黃册成以百十戶爲一里分十甲曰里甲以上中下戶爲三

等五歲均役十歲一更造一歲中諸色雜目應役者編第均之銀力從所便曰均徭他雜役曰雜泛凡祇應禁子弓兵悉僉市民毋役糧戶後法稍弛編徭役里甲者以戶爲斷放大戶而勾單小於是議者言均徭之法按冊籍丁糧以資產爲宗覈人戶上下以蓄藏得實也稽冊籍則富商大賈免役而土著困覈人戶則官吏里胥輕重其手而小民益窮蹙二者交病然專論丁糧庶幾古人租庸調之意乃今以舊編力差銀差之數當丁糧之數難易輕重酌其中役以應差里甲除當復者論丁糧多少編次先後曰鼠尾冊按而徵之市民商賈家殷足而無田產者聽自占以佐銀差崇禎三年河南巡撫范景文言民所患苦莫如差役錢糧有收戶解戶驛遞有馬戶供應有行戶皆僉有力之家充之名曰大戶究之所僉非富戶中人之產輒爲之傾自變爲條鞭法以境內之役均於境內之民宜少甦矣乃民間仍歲奔走罄資津貼是條鞭行而大戶未嘗革也

漕折

密縣每年額征正改兌起運漕糧共一千五百八十石二斗四升一合內奉文徵收白麥一百九十石四斗八升改麥三百六十四石四斗一升三合三勺黑豆七百四十一石二斗二升小米三百六十五石一斗二升七合七勺加一五耗徵收正糧解赴楚旺水次交兌其耗米作爲津貼銀津貼米加增米漕耗折銀四項之費向無定額糧道於水次開兌時定數懸榜隨正開兌掣給通關

按豫省漕糧在清廷開國之初皆徵本色至康熙十三年始折銀解部密縣折米價銀一千零三十七兩一錢五分六厘其後或徵或折無一定之規迨康熙五十八年刑部尙書張廷樞條奏改折部議覆准將附近水次之彰衛懷三府及開封府屬之陽武封邱原武三縣徵輸本色起運其不近水次之歸德河南並汝州及開封屬之各州縣折

徵銀兩交糧道採買起運於是通省之漕取資二府奸牙地棍乘間居奇部價不敷官民交困雍正六年巡撫田文鏡題准仍復舊例統徵本色並將豫省河南不近水次州縣漕糧按程途遠近於所徵耗羨給作腳價外每石加給腳價銀五分至二錢三錢不等遂永爲定例

清同治元年奉旨豫省漕糧每石改折征銀三兩三錢民國七年河南財政廳通令有漕各縣每石改征銀五元嗣經各縣代表組合漕糧商榷會爭執議減八年九月奉財部咨覆河南省長准減數目轉令各縣遵照密縣正漕一石改折征收銀洋四元一角三分八釐耗米豁免額征正漕一千五百八十石四升一合按四元一角三分八釐折算實徵銀洋六千五百三十九元零三分七釐此項總數按照百三十分劃分內除省地方一千五百零九元零零九釐外實徵銀洋五千零三十元零二角八分

耗羨

密縣地丁一四加耗每年額征銀二千零五十一兩三錢七分三釐又漕耗銀三十三兩一錢八分五釐共實徵銀二千零八十四兩五錢五分八釐

遇閏加銀三十九兩八錢八分七釐應征銀二千一百二十四兩四錢四分五厘

按雍正二年河南巡撫石文焯奏請將耗羨歸公除給知縣養廉公費並典史養廉外餘銀俱解司庫

民國七年河南督軍兼省長趙倜咨請省議會議決通令各縣按照丁漕正銀額數改折征收銀元耗羨銀兩悉行革除

房地稅

買契 按密縣買契稅率遵照 部章按六分征收年共九千三百九十三元餘

當契 按密縣當契係比照買契減半征收年共一百八十七元餘以上兩項俱係民國十年度預算之數惟地畝交易每年多寡不等收入之數亦時有增減未能確定也

牙帖稅

按密縣牙帖舊額一百四十二張每張年納稅銀二兩民國元年臨時省議會議決由財政司通令各縣更換新帖將雜稅名目盡行取銷一律改爲牙帖稅內分上中下三等帖額不加限制至民國五年財政廳重行規定呈奉財政部核准通令照辦上等帖捐三十六元年納稅二十四元中等帖捐三十元年納稅二十元下等帖捐二十四元年納稅十六元密縣現領下等帖一百七十五張每張按十六元征收年共二千八百元

屠宰稅

豬稅 按密縣屠猪年約八百餘頭每頭按四角征收約在三百二十元左右

羊稅 按密縣宰羊年約三百餘頭每頭按三角征收約在百元左右

契紙價

買契 按密縣買契年約三千張每張按五角征收共計一千五百元

當契 按密縣當契年約一百張每張按五角征收共計五十元

菸酒稅

菸葉 按密縣菸葉年約銷售一千七百觔每觔按洋六釐征收共計十餘元

菸絲 按密縣菸絲年約銷售四百觔每觔按洋一分六釐征收共計六十餘元

酒 按密縣向無燒鍋皆由寶豐輸入每年銷售約在八百觔左右每觔按洋一分六釐征收共計一百二十餘元

菸酒牌照稅

菸牌照 按密縣菸業牌照共計十張年共四十四元

酒牌照 按密縣酒業牌照共計十四張年共九十二元

印花稅

按密縣地瘠民貧商業冷落每年銷售稅票共八百五十元

鹽課

按長蘆鹽法志河南密縣綱引二千零五十四道分認京引九十四道每引配鹽三百
觔河南路遠包皮繩索沿途拋撒折耗每包加鹽十五觔每引課銀五錢二分零四絲
二忽共課銀一千一百十七兩零五分由鹽商直赴轉運司署完納至民國三年鹽務
署呈奉 大總統批令蘆綱鹽商改售洋碼每鹽百觔征收大洋三元開封等二十八

處每鹽一觔改售大洋五分人民以制錢或銅元購鹽按照就近郵局牌價核收不准絲毫超越民國九年運署准直隸省長公函特籌直隸軍餉每鹽一觔捐洋四釐名曰食戶餉捐運道則由御河至大名縣白水潭換小船至汲縣落廠陸路由滎澤縣渡黃河至本縣觀音堂廠駝運至城內總店分銷比來交通便利由天津裝載火車直抵新鄭落廠再由民車運至觀音堂總廠分銷各子店較前運費已減大半矣

煤釐

密境地多山陵煤產尙富清光緒二十一年由省憲派委設局抽收釐金每煤一籠繳納制錢四文歷年逐漸增加近已每籠征收十二文統計國家收入每年約在九千元左右按釐金之名始於前清洪楊之役戎馬倥傯軍用浩繁稅款收入不敷分配東南各省水陸交通商賈輻湊按貨抽釐積腋成裘北方諸省雖仿照辦理每年所得不及

東南十分之一光緒間中日戰後海氛不靖需款孔急河北懷衛兩屬煤產豐富首先設局開辦密縣煤釐局亦同時添設

倉貯

常平倉原存谷倉斗六千五百四十三石五升四勺民國九年秋荒旱成災將倉谷變賣辦理平糶現在所有谷價盡由各鄉團總担任俟歲收豐稔即行如數填補

社會

清乾隆年間設置向係分貯四鄉三十六處社長家嗣經各社長呈請歸貯城倉詳奉憲批暫貯常平倉內屢年出借按數生息後因鄉民去城遠領谷維艱因於在城西街及大隗鎮觀音堂牛兒店等處建築社倉四座變賣息谷四千餘石以爲工料之資然雖有四倉名目實則仍照舊規分貯社長之家歷年久遠初無變更至民國初辦

理自治各鄉均無的款始將所有倉谷盡數出售社倉之名遂以銷滅

按社倉積谷之法始於前明明史食貨志洪武三年令州縣設預備倉東西南北四所以振凶荒永樂中令天下府縣多設倉儲預備之在四鄉者移置城內初太祖設預備倉選耆民運錢糴米以備振濟即以掌之天下州縣多所儲蓄後漸廢弛于謙撫河南山西修其政宏治三年限州縣十里以下積萬五千石二十里積二萬石考滿之日稽其多寡以爲殿最江西巡撫林俊嘗請建常平及社倉嘉靖八年乃令各撫按設社倉令民二三十家爲一社擇家殷實而有行義者一人爲社首處事公平者一人爲社正能書算者一人爲社副每朔望會集別戶上下出米四斗至一斗有差斗加耗五合上戶主其事年飢上戶不足者量貸稔歲還倉中下戶酌量賑給不還倉有司造冊送撫按歲一察核倉虛罰社首出一歲之米其法頗善然其後無力行者

國家歲出

行政經費

知事一員月支洋二百四十元年共二千八百八十元科員二員每員月支洋五十元年共一千二百元技士一員月支洋五十元年共六百元辦公費月支洋三百一十二元年共三千七百四十四元

司法經費

管獄員一員月支洋四十五元年共五百四十元

押所看守工食月支洋四元共四十八元

押犯口糧月支洋五元共六十元

押犯醫藥年共支洋八元

押所雜費年共支洋四元

監獄醫生津貼月支洋一元年共十二元

禁卒工食月支洋二元五角年共三十元

禁卒津貼月支洋二元年共二十四元

仵作工食月支洋四元年共四十八元

伴婆工食月支洋三元年共三十六元

監犯口糧月支洋十元年共一百二十元

監犯鹽菜醫藥月支洋四元年共四十八元

監犯葵扇涼席年支洋四元

監犯棉衣年支洋二十元

監獄燈油月支洋一元五角年共十八元

習藝所教師薪水月支洋八元年共九十六元

習藝所看守工食月支洋四元年共四十八元

犯人口糧年共支洋七十六元

習藝所燈油年共支洋二十元

勘驗費年共支洋七十二元

解犯費年共支洋十八元

司法巡警三十一名月支洋九十六元年共一千一百五十二元

徵收經費

征收地丁費年共支洋九百五十二元九角四分一厘

征收漕折費年共支洋七百四十七元四角五分四釐

征收契稅費年共支洋三百零六元五角九分四釐

征收補助捐費年共支洋一十一元五角二分

征收屠宰稅費年共支洋二十一元四角九分

征收牙帖稅費年共支洋一百四十元

征收買契紙費年共支洋二十一元

征收當契紙費年共支洋七元

征收菸酒費年共支洋三元五角六分九釐

征收菸酒牌照費年共支洋二元七角二分

征收印花稅費年共支洋十二元七角五分

省地方歲入

地丁

按密縣地丁實徵銀洋三萬二千七百五十七元三角四分四釐內除國家百分外所餘三十分共收入七千五百五十九元三角八分七釐

漕拆

按密縣漕糧實徵銀洋六千五百三十九元零三分七釐內除國家百分外所餘三十分共收入一千五百零九元零零九釐

契稅附收水利費

買當契

按密縣買當契稅附收費係按百分之二十徵收以三成劃歸水利年共五百七十四

元八角六分四釐

田賦補助捐

按密縣糧地共一千二百二十八頃七十五畝一分二釐九毫每畝按三十文帶征年
共三千六百八十六千二百五十四文以市價^六折合實收洋二千三百零三元九角
零九釐

斗捐

每年實徵銀洋二百四十一元八角一分四釐

絲絹

按密縣絲捐年共一百七十七元三角零五釐此項捐款現歸煤釐統稅局征收

省地方歲出

斗捐

每年征收費按照原額百分之一八扣支共計洋四元三角五分三釐

絲捐

每年征收費按照百分之一分扣支共計洋三元一角九分一釐

警察所經費

按密縣警務長薪水月支洋三十元年共三百六十元

縣地方歲入

普濟堂租稞

按普濟堂舊有地二頃七十畝零六分每年收入除完納國稅外實計銀洋一百二十元零五角五分四釐

普濟堂息金

按普濟堂原有基本金銀一百二十九兩一錢一分三釐每月二分生息實收銀洋四十五元七角八分五釐基本金錢三百千每月一分生息實收銀洋二十三元一角二分六釐

學田租稞

按現在學田共計三十三頃四十七畝每年租稞二千三百千文除完納國稅外實折洋一千三百四十二元六角四分二釐此項收入現已列爲學務專款不作別用

房租

按公有市房現共三處一在東街路南年租錢一百千文一在鼓樓門內路西年租錢十八千文一在石橋路南年租錢六千文三共一百二十四千文實折洋七十七元五

角

牙帖捐

按密縣牙帖舊額一百四十二張每張年納捐錢三千文前年更換新帖額數不加限制現在每年收入實計洋四百一十三元七角一分

煤捐

按煤捐係就全境審戶攤派無論煤業衰旺每月以二百千爲準常年收入共二千四百千又實折洋一千五百四十一元七角八分二厘

房地契捐

按契捐一項係籌巡緝隊糧餉每契價一千於六分國稅外附加五分惟房地交易向無定額歷年收入多寡不等平均計算約在一萬千左右實折洋六千餘元

屠猪捐

每年收入錢五百千文實折洋三百二十一元二角零四厘

宰羊捐

每年收入錢一百六十五千文實折洋一百零三元一角二分五厘

湯鍋捐

每年收入錢四百千文實折洋三百二十一元二角零四厘

契稅附收教育費

買當契

按密縣買當契附收費係就原額百分之二十帶徵以三成劃歸教育共收入五百七十四元八角六分四厘

縣地方歲出

孔廟祭祀

每年春秋兩次共支洋五十九元一角零二釐

關岳廟祭祀

每年春秋兩次共支洋五十九元一角零二厘

孔廟歲修

每年共支洋十元零一角六分八釐

勸學所

每年額活各支實計洋七百九十八元七角五分

警察所

每年額活各支實計洋一千七百六十二元五角

公款局

每年額活各支實計洋八百四十元

師範講習所

每年額活各支實計洋八百七十四元九角九分五釐

高等小學校

每年額活各支實計洋一千二百五十五元零九角九分五釐

孤貧衣糧費

每年實支洋二百三十一元

解省師範學費

每年實支洋六十元

縣地方自治歲入

地畝捐

按地畝捐款係附丁漕帶征每糧地一畝收錢八十文每年實徵八千餘串折合銀洋五千餘元

契稅附收

按買當契附收一項向按百分之二十帶徵以十成之四劃分實計銀洋七百六十六元四角八分四厘

地方自治歲出

巡緝隊薪餉

每年共支洋六千六百一十八元七角五分

模範國民學校

每年共支洋一百四十五元

女子國民學校

每年共支洋六十元

留學生津貼

西洋每名年百元東洋每名年五十元京師每名年二十元

支差車馬費

每年支洋無定額本年支洋二百餘元

密縣志卷十二

自治志

自治籌辦事務所 在縣署西天寶觀按前清宣統元年憲政編查館奏准各省舉辦城鎮鄉地方自治是年十二月省地方自治籌辦處頒發籌辦事務所章程通飭各州縣一律遵辦密縣自治籌辦事務所於宣統二年十一月成立遵章刊刻木質圖記文曰密縣自治籌辦事務所之圖記當即啟用所需經費由地畝捐項下動支

所長 呂林鐘

副所長 杜鹿鳴

自治研究所 在卓君廟按前清宣統元年憲政編查館奏准頒發自治研究所章程飭各廳州縣一律設立密縣自治研究所即於二年八月成立所需經費由地畝捐項下

籌撥所內置所長教員各一人辦理兩班即行停止

所長 常雲鳳

韓秉鈞

教員 馬國瑄

孫仁麟

縣議事會 在卓君廟創始於前清宣統三年會內置正副議長各一人議員十九人凡一縣應興應革事宜悉由該會議決與縣行政長官處於對待地位在憲法上爲立法機關民國二年終奉令裁撤

附 附上級自治選舉區域沿革考 按前清宣統元年憲政編查館奏准各省舉辦城鎮

鄉地方自治二年復頒發籌辦廳州縣地方自治分次清單第一次舉辦省會地方

首縣第二次舉辦外府首縣第三次舉辦衝繁廳州縣第四次舉辦偏僻廳州縣第五次舉辦上屆未辦自治之廳州縣嗣經本省地方自治籌辦處參酌本省情形略爲提前改作四次密縣上級自治選舉區於宣統元年經知縣徐文田按照舊日習慣劃分二十保爲二十區名目雖更形勢初無少異至宣統三年知事姚晟年復改爲六區內分一城二鎮三鄉併城坊天仙士郭爲檜城應產議員二併方山高村常村平陌爲型仁鎮應產議員五併王村院青張固爲尙義鄉應產議員三併西邢浮山盧村官澤爲明禮鎮應產議員五併歧固謝村南朱爲近智鄉應產議員二併曲梁王寨岳村爲守信鄉應產議員四統計選舉人數爲二十二萬七千七百八十三應選議員名額爲二十一至民國九年內務部復頒市區街村編制法舊有自治從新恢復併城坊天仙盧村院青爲中區併方山高村常村平陌士郭爲西區併張固

官澤歧固西邢謝村爲東南區併南朱曲梁浮山岳村王寨爲東北區今昔殊異日
後選舉事宜當亦因之而變矣

議長 尙彥彬

副議長 盧葆謙 旋去任以鄧俊三補

鄧俊三

議員 朱光華 周其相 施學溥 趙炳炎 周揚欽

王國昌 牛體乾 鄧俊三 鄭式孔 劉養源

李成章 郭鳳鳴 張紹曾 裴書賢 劉雲清

蔡炳炎 劉秉繁 張葆真 魏文章

縣參事會 係就議事會議員互選另行組織以縣知事爲會長參事員四人副之在法

律上爲執行機關與議事會同時成立同時取消

參事會長 姚晟年

參事員 王永清 鄭文可 錢戾仁 邵鶴齡

下級自治會 分設各鄉按宣統元年憲政編查館奏准各省舉辦城鎮鄉地方自治二
年復頒發地方自治章程密縣各鄉自治會係按舊日各保區域設立內分議事會董
事會兩種議事會爲立法機關議決各區應興應革事宜董事會爲執行機關辦理議
會議決事件主任曰鄉董以鄉佐副之在城曰總董曰董事

城鄉議董附

在城 議長李明善 副議長蔡樹芝 總董孫泰華 董事王荷誠

平鄉 議長韓甲榮 副議長王錫麟 鄉董魏文章 鄉佐魏曰仁

天鄉 議長李化仙 副議長侯欽明 鄉董王銘丹 鄉佐于中傑

士鄉 議長韓鼎臣 副議長張廷傑 鄉董徐金華 鄉佐徐鐵林

方鄉 議長白雲卿 副議長施學溥 鄉董賈治堂 鄉佐趙廷選

高鄉 議長理贛金 副議長周文林 鄉董馬濟川 鄉佐蔡炳炎

常鄉 議長王鳳文 副議長王國治 鄉董張應禮 鄉佐蔡建侯

盧鄉 議長龍雲章 副議長張書元 鄉董于際寅 鄉佐呂集奎

院鄉 議長李遇辛 副議長李開壽 鄉董楚燦葵 鄉佐崔承先

王鄉 議長陳文若 副議長范文秀 鄉董錢潤仁 鄉佐周召南

西鄉 議長鄒光斗 副議長王作霖 鄉董朱煥堂 鄉佐蘇桂

岐鄉 議長朱炳勳 副議長周化岐 鄉董武京鏡 鄉佐黃元吉

張鄉	議長王定一	副議長張東寅	鄉董劉際唐	鄉佐樊玉佩
官鄉	議長張蘭皋	副議長張恩湛	鄉董鄭維翰	鄉佐陳詔
謝鄉	議長王甲榮	副議長張樹屏	鄉董王丙南	鄉佐寇星奎
南鄉	議長王恩湛	副議長馮克儉	鄉董朱士蓮	鄉佐劉兆麟
曲鄉	護長王葆齡	副議長高觀光	鄉董牛海晏	鄉佐余振乾
浮鄉	議長牛錫祺	副議長王宇春	鄉董裴鼎	鄉佐呂紹陽
岳鄉	議長鄭式孔	副議長鄭逢辛	鄉董盧純一	鄉佐鄭慶麟
寨鄉	議長周之禎	副議長丁亥斗	鄉董陳來賓	鄉佐白銘堂

商會 在縣城東街按密縣商會於前清光緒三十四年業已報部立案至民國八年九月遵照商會修正法公同改組選舉正副會長任事期限以二年為滿是年十二月農

商部始頒發密縣商會鈐記

會長 孫 瑄 清光緒三十四年任

副會長 崔建勳 民國八年任

會長 呂林鐘 九年任

副會長 劉青選 九年任

會長 蔡海潮 九年任

副會長 孫 璋 九年任

苗圃 在城西關按民國四年農商部通飭各省轉飭各縣籌設苗圃密縣苗圃於六年四月成立始就西陵舊有學田依法開築嗣因地勢高燥栽種不宜至七年四月復易溫姓氏田二十六畝五分圃內設圃長一人管理全圃事宜所用鈐記由縣刊發文曰

密縣苗圃鈐記常年經費由縣長設法籌撥

圃長

蔡海潮

民國四年任兼農事試驗場場長

喬兆瑞

七年任兼農事試驗場場長

郭瑞五

八年任兼農事試驗場場長

農事試驗場

附設苗圃於民國六年四月成立

場長

蔡海潮

喬兆瑞

郭瑞五

清鄉守望社

分設各保按民國二年河南都督兼民政長張以各處土匪爲害通飭舉

辦民團以資守禦並頒發守望清鄉臨時辦法條規暨守望社簡章飭遵辦理密縣守

望社係就舊有保甲改編民國元年知事姚辰年辦理冬防添募土勇一百五十名分

三路駐紮二年春遣散舊有民團一律改爲守望社社長以各保首事充之

保衛團

按民國三年 大總統制定地方保衛團條例公布全國並附刊保衛團條例施行細則密縣保衛團係就舊有清鄉守望社改組每保置團總一人管理該團清查檢舉一切事宜

現在各保團總附

在城保

錢炳昌

在坊保

郭鳳儀

平陌保

韓守基

天仙保

于培鼎

士郭保

韓鼎臣

方山保

李培霖

高村保

高夢說

常村保

蔡建侯

盧村保

侯懷遠

院青保

李春膏

王村保

錢重離

西邢保

周金鑑

岐固保

樊守轍

張固保

劉雲青

官澤保

杜鶴鳴

謝村保

周揚欽

南朱保

馮克儉

曲梁保

牛應斗

淨山保

陳其銘

岳村保

鄭文可

王寨保

陳來賓

水利分會 在城東街文昌宮按民國三年一月 大總統令設全國水利局於京師四

年通令各省設立水利分局七年十月開封道尹頒發水利分會簡章以契稅附加百

分之二十內分三成歸水利經費密縣水利分會於九年四月成立並發木質圖記一

顆文曰密縣水利分會圖記

會長 李明善

公款局 舊設卓君廟今移縣署東偏按民國元年臨時省議會議決各縣應設公款局
一處凡屬地方公共財產悉由該局經理局長一人或二人司事會計等職無定額密
縣公款局於二年成立應需經費由地方公款項下扣支

局 長 裴書賢 民國二年任

副局長 施學溥 二年任

局 長 王甲榮 二年任

副局長 李彤閣 九年任

密縣志卷十三

實業志

氣候 純係大陸性寒暑俱烈雨量無定冬令多西北風乾燥多晴夏令多東南風濕潤
多雨

農時 春正月立春雨水修農器運糞於田二月驚蟄春分耕耨畢出散糞墾地三月清
明麥苗勃發稻秧初種耩高粱棉花穀雨乃耩植穀芝蔴麥始秀

夏四月立夏耘旱田菜子成熟小滿後二麥登場耘水田五月芒種種晚秋夏至耘晚
田六月小暑植穀高粱咸吐穗稻秀實芝蔴出槩大暑大雨時行晚田咸秀中伏種蕎
麥菜子

秋七月立秋棉吐花植穀成熟高粱黍稷皆登場豆出莢處暑刈稻八月白露墾麥地

晚田成熟蕎麥結實秋分種麥豆成熟九月寒露霜降棉乃收蕎麥登場

冬十月立冬小雪雜糧咸入圈園園蔬入窖犁秋地十一月大雪冬至農事畢墊牛羊

圈預儲糞土十二月小寒蝗蝻入地麥盤根大寒塞向瑾戶釀新酒家家預備度歲

物產

穀類 一曰麥有大麥小麥蕎麥之分小麥徧地皆種質性最佳為穀中上品可製麵粉

供祭祀賓客之用八月播種五月成熟約二百四十日大麥質性較粗可飼牲畜亦供

人用種植與小麥同惟收穫差早耳高麥則中伏播種九月成熟約七十日田家多用

之

一曰粟

去壳曰小米
今呼為穀

品類甚多有黃白青數種徧地皆種春種曰糴穀三月播種七月成

熟約百二十日夏種曰晚穀麥後播種八月成熟約百日均可碾米為食品曰酒穀曰

黍曰稌可釀酒亦可作飴

一日稷即今高粱有紅黑白三種三月播種七月成熟約百二十日可作麵供常食亦可釀

酒稽修偉可製席箔

一日包穀俗名玉黍有金棒椎猪牙蝦蟆頭等名爲秋禾大宗宜肥饒地五月播種八月

成熟約九十日所獲較他糧爲多農家冬春食品最爲主要

一日豆品類甚多有黃豆黑豆菜豆青豆南豆俗名爬山豆豇豆扁豆小豆豌豆諸名稱種

類不一其用途亦異大概含澱粉質者多油質次之人畜食料均不可廢

一日稻水田所種洧河兩岸均有之四月栽秧八月成熟可碾米作飯供祭祀賓客之

需常食不輕用也

一日芝麻有黑白黃三種三月播種八月成熟約百二十日麥後種者曰晚芝麻收穫

日數畧同可取油佐食用

木類

松 木中上品
種植無多

柏 質性堅美寺廟
壑域多有之

梓 木中美材
可作器械

桑 葉可繅皮可紙甚可食
可為農器惟杖之利為多

榆 葉菜
可食

楓 質性堅凝
農家要需

楊 有大葉小
葉二種

柳 性軟可
為栓捲

梧桐 琴瑟
良材

椿 有香臭
二種

棟 亢木 出涼藏山
見山河經

蒨柏 出七敏山狀如荆白
花而赤實見山海經

雲桑

能救飢作茶尤
佳見中州雜俎

果類

棗 桃 李 杏 梨

胡桃 石榴 葡萄

櫻桃 柰

柿 到處有之西北鄉
尤多獲利頗鉅

蔬類

葱 蒜出邈化
一帶

韭 芥

蘿蔔 有紅白
二種

芫荽 菠菜

蒿苳 蒼蓬

芹

茄 藕

秦椒

豆角

藥類

香附

益母草

菟絲子

遠志

薄荷

艾

牽牛

小茴

蒼耳子

鳳仙

花

金銀花

西北鄉種頗多
土人因以為利

木賊

車前草

谷精草

杏仁

酸棗仁

王不留行

杜仲

紅花

蒲公英

地骨皮

細辛

古名少辛出浮
嵐山見山海經

瓜類 西瓜 菜瓜 甜瓜 酥瓜 捏瓜瓜子外消獲利頗厚 王瓜 倭瓜 冬瓜 筍瓜 絲

瓜

花類 迎春 牡丹 芍藥 海棠 梅 桂花 月季 菊 木槿 合歡 天竺

綉毬 蓮

草類 萇楚羊桃也葉與實皆似桃故名見詩經註詳埤雅 萃草狀類萇草亦出大隗 葦 菝葜出大隗山狀如薈而毛背花而白實可以已腹疾見山海經 荻 烟

草 蓼 蘋 藻 蓬 蒿 蒺藜 土地黃

雜物類 絲植桑餉蠶田家要務舊多出自女工近利益漸廣男工亦有之 棉花有土花洋花二種種者無多 麻有絲麻好麻二種區水中剝皮成縷可供製繩之用 靛出超化一帶有大藍小藍

槐藍數種可染縞布 瑄瑄之玉出七敏山見山海經 鐵出大隗山 玉膏丹水所出黃帝之所食也均見山海經 文石涪水所出見晉書 上水石出上水洞

及雲崖等處質甚玲瓏可供清玩 磨石 石灰詳實業志 煤 桑杈 山紬 紙 瓷器 蜜 綿紬

按密境物產不盡此數茲據經典所載及有關於民生日用者著之於篇至於鳥獸蟲

魚原屬各處公共之物與一切瑣屑無關緊要者概從畧焉

稻渠

按前清道光初年知縣楊公炳堃教民鑿石開渠引水灌田收穫較陸地增加數倍沿河居民實利賴之所有各渠名稱開列於後

一倬雲渠 在王村保灌田六十一畝

光緒丙午大雨綏水暴漲膏沃盡成沙礫至今未開

一彼壤渠 在王村保灌田七十畝

一甫大渠 在王村保灌田八十畝

一田功渠 在盧村保灌田七十五畝

一既阜渠 在盧村保灌田一頃六十四畝

一順成渠 在盧村保灌田一頃七十畝

清光緒丙午洧水暴漲概成沙礫民國五年庠生呂集奎提倡開濬仍復其舊村人便之

一 迺疆渠 在院青保灌田八十四畝

一 宣力渠 在西邢保灌田一頃零七畝

一 生生渠 在西邢保灌田二頃三十畝

一 我同渠 在西邢保灌田一頃九十七畝

一 百盈渠 在西邢保灌田一頃一十畝

一 穀熟渠 在西邢保灌田一頃八十畝

一 寶潁渠 在西邢保灌田二頃五十畝

一 維寶渠 在張固保灌田一頃五十二畝

一 豐年渠 在官澤保灌田一頃三十八畝

又樂善渠 在孫大廟東民國六年孫儒珍創開

又豐潤渠 在超化東灣係承雲西水灌入

又月波渠 在超化河西錢青錢開鑿灌田五頃餘

又龍池渠 在超化寺後

又金泉渠 在超化寺東灌田三頃

煤礦 按縣境煤產極富惟業此者苦無資本開採之法又未改良故獲利絕少近來間

有倡議集股購用機器者前途發達指日可待今將已開採礦地詳列於下

東西砂石坡 二 煤礦 超化 二 煤礦 朱家窩 尙灘河 牛王廟 壘家樓 七里岡

橋板河 韋坑 大坡口 藥王廟 二 煤礦 喬溝 石窩 楊寨 湖地河 界河

二 礦煤 柳溝

煤場 按煤場係轉運售煤之所鄉人集資合開藉以獲利張謝歧曲諸保多有之

紬行 按密境產紬有三種一家絲紬一山絲紬一綿紬近日逐漸改良頗有起色其銷路以東三省及俄商爲最多

縑紙 按紙之種類甚多密所縑有粗細兩種粗曰草紙細曰麻紙銷路頗廣紙坊觀寨等處營業者不下數百家

水力磨 按水力磨有大小之分其用亦異大者磨木爲屑造香用小者用磨麵粉
水力碾 按水碾多爲碾香末及紙料之用亦可碾米

缸窖 按密境缸窖縣西平陌縣東缸窖溝皆有之其銷售以縣西爲最

盃窖 按盃爲日用所需行銷頗廣惜密境所出者質粗色暗不能售之遠方

磚瓦窖 按磚瓦爲建築屋宇原料銷路極廣營業者各區皆有

盆窖 按盆爲土器製造極易業此者率皆中下小戶然獲利頗速人樂爲之

砂鍋窰 按砂鍋雖係粗器而烹茶煮飯其味甚佳且價廉易購故用之者多

石灰窰 按石灰係以煤煨石灰石而成密縣產煤且多此項石質製造尙易業此者甚多

貧民工廠 民國四年開辦內設廠長一司事一會計一初以資本無多暫分爲木織紡三科製造粗笨器物以便學習

廠長 林裕燾 民國四年任

孫瑄 六年任

李彤閣 九年任

密縣志卷十四

兵防志

協防宅 在城西街清乾隆二十九年創建知縣馬洧有碑記今廢按清雍正時禹州千總兼防密縣後以鞭長莫及專設外委把總一員守兵十名爲禹協防宣統時改爲墩堡旋即裁撤地址由官產經理處變賣

塘 汛 在平陌村今廢

演武場 一在西門外一在三官廟北今廢

方溝礮台 清咸豐時建

石坡口礮台 東西兩座清咸豐時建

景店嶺礮台 東西兩座清咸豐時建今圯

墩堡 西五里墩十里墩二十里墩東十里墩二十里墩三十里墩觀音堂舊堡不知
何年建置今廢

警察 按警察初名巡警清光緒三十四年開辦地址就舊有捕署改設警長一巡官
一書記一巡目四巡警三十警長稱局長宣統三年巡警改爲警務局局長改稱警務
長民國二年改爲警察五年警務長改稱警佐八年警佐又稱所長應需經費除所長
由省發給外餘均由地方公款項下開支

偵緝隊 民國元年奉令添設密縣原額二十名直隸於縣知事管轄職司緝捕應需經
費由國家歲入項下動支

警備隊 民國三年奉令就原有偵緝隊擴充設正隊長一分隊長二隊佐二號勇二勇
目六正勇五十四所需餉糧除原有偵緝隊經費外不敷之數由自治欸項下彌補

巡緝隊 民國七年就舊有警備隊改組設隊官一隊長三書記一隊勇百經費由稅契附加項下開支不敷之處由地畝捐補助任免徵調事宜另由領部統部督辦等處主持縣知事處於監練地位而已

保衛總團 在常平倉內民國十年冬成立設正團總一人副團總四人團勇無定額視地方安危爲增減現招百名分五十名爲一隊每隊置正副隊長各一所需糧餉由各保攤派

正團總 周揚欽

副團總 錢炳昌 杜鶴鳴 韓鼎臣 陳其銘



